



沁香閣遊戲  
文章

涵秋遺著

警眾校訂

譚澤闓題



上海震亞圖書局出版

上海图书馆藏书



A541 212 0015 22808

# 沁香閣游戲文章序

鏡安涵秋弟也不忍涵秋之雜著散佚而不傳乃朝夕搜求從事撮錄若詩  
 文者則曰沁香集若筆記者則曰沁香閣隨筆均將版權讓與震亞圖書局  
 主人朱子挹芬並商余校訂相繼付梓出而問世矣茲復編輯諧著取其精  
 華去其糟粕先得六十篇凡二萬餘言顏曰沁香閣游戲文章第一集而校  
 訂之責猶屬余也夫涵秋之說部其價值固無論矣而詼諧之文字分載於  
 各報者亦爲社會所歡迎蓋以冷雋之筆墨爲諷刺之寓言嬉笑怒罵妙緒  
 環生不但調侃世人得以深省而愛國熱忱亦流露於行間字裏涵秋之有  
 此諧著亦卽余編輯破涕錄嚼苦錄之微意也其有功於世道人心豈淺鮮  
 哉苟以游戲文章讀之則又非涵秋之知己矣故鏡安之不忍散佚挹芬之

樂於發行而余亦願爲之校訂者此耳爰述顛末以爲之序  
中華民國紀元之十六年二月壽州李警衆識於紅冰碧血館

沁香閣游戲文章第一集目錄

窮鄉記

愛河記

竹城記

不倒翁傳

債精傳

黑美人傳

滑頭傳

冤桶傳

星先生文豹傳贊

記猴戲

記異犬

記夢游犬面國事

記客談愛國犬事

記夢瓜

五月五日全國宜舉行慶賀說

國恥紀念日宜舉行提燈會說

考試可以富國說

病獅說

幽憤篇

無欲篇

賽馬篇

擬地藏王請增設十九層地獄奏疏

擬財神請飭各神捐產以救下界災民奏疏

擬齊天大聖請添派神將收回下界羣魔奏疏

代全國窮民討財神檄

全國烟鬼結合團體以張國威檄

戲擬剃頭仔討剪辮佬檄

擬腐儒哭八股文

代小民送貪官去任序文

擬肅政使等聯名彈劾某稟校文

祭烟鬼文

代鼠祭懶貓文

代新知事上省長太太稟

代縣佐再上省長稟

擬各省黑籍中人士陝甘各大員稟

戲擬革黨某某等悔過自首狀

代烟界同胞上政府書

代全無妓女上救國儲金書

代死者報某庸醫書

慰友人考縣知事下第書

賀友人喪子書

小題文府致六法全書書

六法全書答小題文府書

擬織女寄牛郎書

擬牛郎答織女書

鼠致貓書

貓復鼠書

鼠致蛇蚤書

蛇蚤答鼠書

番菜致魚翅書



魚翅番菜書

擬推廣本報銷路辦法之廣告

擬創辦選舉運動公司之廣告

擬創辦商立瞞稅學堂招生之廣告

擬創辦場合公司之廣告

論報載某巡按建議限制女生結婚年齡事

黨人卜居

烟室銘

身身理

新詩經

附麻雀談

麻雀之緣起

麻雀與作文之比例

麻雀與弈棋之比例  
麻雀之叉法  
麻雀之弊端  
麻雀之秘訣

沁香閣游戲文章 第一集

江都李涵秋遺著  
壽州李警衆校訂

窮鄉記

窮鄉者在愁城之南其地多山山童而無樹木唐韓愈曾爲文送窮于此故名曰窮鄉居是地者幾不知富貴爲何物矣蓋是鄉之人所居者卑陋之室所衣者襤褸之衣所食者粗礪之食而于一切慶弔之事則無聞焉世之富貴之家固不願移居斯地而亦不敢移居斯地即間有移居斯地者必其子孫式微衣食住三者亦如是鄉之人否則未有不驚爲異類羣起而逐者然則是鄉之人殆天賦以合羣之性與雖然窮鄉之中有古風焉夜不閉戶而盜賊卒鮮非無盜賊也實盜賊至而無物可竊耳鄉人輩多業儒寒酸之氣

甚。重。無。大。志。嘗。欲。獨。善。其。身。至。入。股。廢。而。生。活。問。題。幾。有。朝。不。保。暮。之。勢。所。幸。天。佑。是。鄉。水。旱。之。災。迄。未。一。見。若。輩。能。得。安。居。無。恐。者。此。也。惟。鄉。人。性。堅。忍。好。鬥。偶。遇。不。平。之。事。輒。以。白。刃。相。加。諺。云。窮。人。不。怕。死。然。乎。否。乎。嗟。嗟。世。界。而。有。窮。鄉。也。宜。其。與。愁。城。相。近。矣。然。而。不。入。其。境。者。不。知。也。余。因。是。爲。窮。鄉。作。記。并。以。告。後。之。問。津。者。

### □ 愛河記

愛。河。者。發。源。于。禍。水。而。其。流。直。貫。注。于。恨。者。也。是。河。深。不。可。測。茫。無。涯。涘。風。浪。作。時。人。不。能。渡。渡。則。輒。覆。然。遇。有。緣。者。則。水。波。不。興。即。或。風。浪。大。作。危。急。之。際。亦。有。援。之。而。登。彼。岸。者。伊。何。人。蓋。一。蒼。顏。白。髮。之。老。人。耳。老。人。諳。水。性。兼。有。降。龍。之。術。日。駕。舟。往。來。于。愛。河。之。中。舟。名。慈。航。如。遇。有。緣。者。則。救。之。否。

則亦聽其自沉自溺而已。夫愛河之風浪胡爲而來。是必有挾之而起者。何以故。愛河之下有龍窟焉。龍性難馴。故降之也。亦不易時。浮水面奮鬣揚威。當之者輒死于水。則是愛河爲危險之境。卒無一人敢渡之矣。蓋又不然。渡斯河者必其爲多情之人。而無情足且不涉斯地于危險乎。何有然則天下多情之人。明知其險而故蹈之乎。知其險而畏蹈之者。不得謂之多情之人。多情之人。身雖蹈危險之境。至死亦不變其所用之情。惟渡之者有幸。不幸即佛家所謂有緣與無緣是也。此愛河所以因情而得名也。或曰愛河之危險。若是得毋與黃河同。夫黃河之水有形之水也。愛河之水無形之水也。惟其有形。防之易。惟其無形。防之難。或又曰愛河之危險。若是得毋與銀河同。夫銀河之水尙有鵲橋可渡。愛河之水并鵲橋而亦無之。嗟乎。茫茫弱

水葬多少。痴男怨女之魂。滾滾銀濤。償幾許才子佳人之願。世有問津于愛河者。其亦讀余之所記可也。

竹城記

竹城者在甬之深山中。其居民初不與世相往來。亦爲秦時之桃源焉。間有人經其地。必藉重司閹者。司閹之人。虛其姓而雉其名。司閹者設啓門。則啓門。否則徘徊門外。終末由入其境。城之四隅。東則岩壑。流水之聲。耐人清聽。南則平壤。田疇交錯。一碧如洗。西則高峯。萬木叢雜。松濤時響。北則寺宇。紅牆一帶。隱露林間。風景幽秀。居是地者。幾不知人世。有興替矣。城中殷實之家。以龍鳳白三姓爲之冠。人咸樂與之游。不與三姓游。游亦不快意。云其餘則業漁者有之。業樵者有之。業耕業讀者有之。居民雖多。咸有行次。長者伯

之次者。仲之遞次。而至于九說者。謂周有八士。猶不及其孳生之繁焉。三姓以巨富。故不事生產。惟彼此以琴棋自娛。或以書畫自遺。園圃之中。多植梅蘭竹菊。四時花木。點綴得宜。魚鳥依人。機心亦泯。神仙福地。舍竹城其誰與歸。乃後有甬人某姓。誤入其境。詢之附近居民。始知其中別有天地。遂投刺于三姓之門。而謁見焉。主人既出。和藹可親。設讌留賓。情極浹洽。嗣後三姓遂稍稍與甬人往來。其與之往來者。類皆甬之巨商大賈。寒素之家。莫敢一顧。然而三姓具有奇術。有偕之游者。屢屢罄其貲財。然迷者終亦不悟。至是而三姓之名震于全國矣。龍鳳二姓之外。又有所謂中發者。係其支派人之視之。亦與龍鳳等也。嗟乎。全國之人。不知有三姓者。其人必非社會之人。雖然。竹城之三姓固富矣。其如全國之人。因識三姓而皆貧。何也。余欲破全國。

之迷。爰執筆而作是記。

□不倒翁傳

不倒翁者。其家世里居。不甚詳悉。惟和顏悅色。人輒樂與翁游。綜其生平。翁固無一事忤人。而人亦無敢忤之者。何也。蓋翁素性。鯁直不畏強悍。其立也。如大樹之盤根于地。無可動搖。如大山之高聳于天。確乎不拔。彼夫世俗者。流見弱者。以爲可欺。見貴者。以爲可詔。甚至入林狗吠。廉恥俱忘。伏地蛇行。醜態百出。此固翁之罪人。而亦萬世之罪人也。翁之閱世有年矣。而于趨踰拜跪之儀。絕未一習。非不習也。實不屑爲耳。膝同鉄鑄。腰豈弓彎。世以不倒二字稱翁者。殆其翁之知己與。或曰。不倒翁者。卽不老翁也。倒與老諧聲。人遂呼爲不倒。不然。人壽能有幾何。過期頤。則非所望。而翁修眉鶴髮。歷數千



年。而。猶。是。童。顏。豈。非。術。擅。長。生。丹。砂。煉。就。耶。斯。說。也。余。不。必。辨。姑。存。之。以。質。後。人。設。其。爲。不。倒。翁。耶。即。以。不。倒。翁。稱。之。設。其。爲。不。老。翁。耶。即。以。不。老。翁。稱。之。于。是。乎。爲。之。立。傳。云。

債精傳

債精者。債其姓而精其名也。其先世富有全國。至債精之祖若父。家道仍不稍替。祖曰臺。父曰戶。債精生時。其祖夢一鬼索債。而債精遂生。心惡之。謂子戶曰。汝子生。吾產破矣。因是鬱鬱于心。以致不起。病篤之日。命戶將親友平時向其借債之券。一一檢出。焚于火中。曰。吾爲汝子償債也。言畢而逝。其時債精僅週歲耳。債精幼。即聰慧。延師課之。過目輒能成誦。課餘之暇。兼喜吟咏。及冠。衣服飲食極喜奢侈。稍不適意。屏棄弗用。債精之父。其時已垂垂老。

矣。家事外事悉委之于債精一人之手而債精又以揮霍故不善節省借貸之事遂致不免。然其初不過借貸于親戚之間暫作權宜之計。乃未幾而其父亦死。治喪之費復耗萬金。而奴僕親友中爲之經手者無不飽其囊橐。以去。至是而債精之家道中落矣。債精于經手出入素不介意。故其奢侈仍如平日而與之往來者若包窮精光輩類皆爲其食客。非引之以賭卽誘之以嫖。苟有所需輒爲之貸于外人。冀得回扣而有債權者亦復垂涎彼產樂以貸之。嗚呼。債精之家業所謂富堪敵國者不數年而儘作外人抵押品矣。債精窮而彼輩亦不至。然而債精自若也。精嘗語人曰。彼等之所以媚我者非媚我也。媚我之多金耳。金盡則去。又何怪之足云。雖然。曠達如債精則誠乎其曠達矣。獨是祖宗手創之基業不知幾費艱辛始得富堪敵國。一旦爲債

精所斷送彼固萬世之罪人而亦債氏之罪人也精既窮求貸亦不易有勸之者曰汝何不借一巨款贖回抵押品乎精曰借債過活雖非美名亦是樂事况產屬于人與產屬于我一也但冀用之不足竭矣贖又奚爲于是諸債之外又增以詩債酒債焉精死而家無長物惟債券盈篋而已然後知債精者乃真不愧爲債精也爲立傳并以告世之借債者

### 黑美人傳

美人黑氏小字迷娘印度產也其先世與中國不相往來後以海禁大開而迷娘之祖若父始得游歷于中國全部因是遂家焉迷娘生時有烟雲繞于其室識者知爲不祥之器及長修蛾皓齒楚楚動人人見迷娘輒拜倒石榴裙下一若迷娘能吸人魂魄也者即有未見迷娘者亦無不慕迷娘之名思

得。一。見。顏。色。爲。快。至。是。而。中。國。全。部。皆。有。迷。娘。足。跡。矣。迷。娘。所。至。之。地。香。霧。隨。之。人。見。迷。娘。故。皆。持。槍。以。致。敬。不。持。槍。以。致。敬。者。必。其。未。識。迷。娘。之。人。迷。娘。嘗。語。人。曰。我。不。迷。人。人。自。迷。耳。然。而。迷。之。者。終。不。悟。也。茶。餘。酒。後。非。得。迷。娘。不。歡。而。以。夜。間。爲。尤。甚。迷。娘。有。異。術。能。治。人。病。惟。久。與。之。游。者。則。無。效。焉。最。奇。者。與。迷。娘。相。識。之。人。一。日。不。食。可。也。若。一。日。不。見。迷。娘。非。特。涕。泗。交。流。而。四。肢。亦。爲。之。不。快。迷。娘。至。則。精。神。如。故。矣。嗟。乎。中。國。自。有。迷。娘。而。中。國。貧。矣。中。國。自。有。迷。娘。而。中。國。弱。矣。國。人。見。迷。娘。禍。人。之。深。遂。有。議。驅。逐。之。者。然。旁。皇。數。年。內。地。雖。鮮。迷。娘。足。跡。上。海。租。界。則。更。甚。往。昔。蓋。迷。娘。以。租。界。爲。遁。逃。藪。也。嗚。呼。非。迷。娘。之。迷。人。也。實。迷。迷。娘。者。自。迷。之。耳。爲。迷。娘。立。傳。并。告。國。人。

## 滑頭傳

滑頭者。豫之滑縣人也。其先世爲是邑大族。至父某以戇直故。遭仇家所害。遂攜眷避禍于滬。易姓爲滑。以示其不忘故土焉。滑頭幼聰慧。善得人歡。父輩見之。咸曰。此子必能跨竈也。及長。入滬之某校肄業。于應酬。科研究。待人接物之學。皆有心得。知父所爲不合于世。嘗幾諫焉。卒業後。以圓滑手段。出與社會相周旋。而社會中人亦莫不樂與爲友。至是而滑頭之名徧傳于社會矣。社會中人不知滑頭者。其人必目盲耳。何以故。滑頭一生與人無忤。遇有至難之事。自彼視之。亦若甚易。蓋其平日所行。無一事有損于己。是以偕之游者。如壽頭曲。鬚。輩類皆以事相委。而滑頭往往慷他人之慨。以成其名。他人不惟不責之。且反德之。是則滑頭之爲滑頭。又可知矣。雖然。滬上人烟

稠密地號通商。其人能爲各界所知。誠不多覩。而滑頭之在滬也。則無人不。知酒食徵逐之場。楚館秦樓之地。無滑頭在座。人輒不樂。故滑頭之足跡。亦到處時有。夫滑頭之所以能如此者。以其名不負實耳。爲之傳。并以告世之。學滑頭者。余傳其事。復詠之以詩云。聞說頭堪滑。何妨竟滑頭。有頭皆可滑。無滑不成頭。滑自由他滑。頭還是我頭。須知滑頭者。人亦滑其頭。

### 冤桶傳

冤桶者。北人也。生時頭大。故乳名大頭。祖父家以貧緣。得入仕途。出其剝削小民之手段。始獲巨富。論者謂此種冤孽之錢。彼以不義得之。他日必以不義失之。至父枉而家貲亦得無恙。惟大頭既不肖其祖。又不肖其父。少之日雖擁厚資。席餘蔭。然僿野鋼閉。出門見客木僵。無所措視。一文如命用之。則

淒然而欲涕。及壯與社會相接。見外界之美麗。光怪心慕之。被服容止。膚摹  
 而形繪。卒以沐猴而冠。終竟弗肖。世人知大頭之可寃也。于是強者用腕力。  
 智者用腦力。百出其技。務使墮入牢籠。如大人之調嬰兒。狙公之飼羣狙。以  
 吸取大頭之精英。貨財大頭于此。仍不之悟。反視金錢爲儻來之物。一若無  
 足重輕者。由是而其祖之寃孽。錢業已垂垂殆盡矣。然大頭非惟不怨。且出  
 語人曰。彼遇我厚。擲吾金。吾分也不寃。不寃。不寃。寃寃大頭者。囊橐充滿。出語人  
 曰。寃寃大頭。吾分也不寃。不寃。不寃。大頭將誰寃。而寃大頭之家。傾而寃大頭之  
 名播。而寃寃大頭者。嗣後亦不復再寃寃大頭矣。余爲寃大頭立傳。并以告  
 世之類于寃大頭。與世之寃寃大頭者云。

星先生文豹傳贊

星先生文豹少負奇氣博覽古今書籍而又洞明中外大勢居海上嶄然露  
 其頭角聞先生名者咸欲羅致之先生不爲勢祿詘以代表輿論自負處監  
 督政府之地位前清末葉政出多門朝中權貴不畏天命不恤鬼神不忌法  
 律而不能不屈伏于先生者以先生一言或重于九鼎也由是咸嫉視先生  
 而卒不能如先生何也先生之魄力蓋可想見矣先生長于論理從不爲左  
 右袒故他人或爲一黨所利用苟思利用先生則如馬生角而龍澤其耳邦  
 人士所以傾佩先生者在是先生所以礪其品行而昭其聞望者亦即在是  
 虛聲不可以純盜有以哉有以哉辛亥政變四方響應人每及功于各軍閥  
 而不知先生鼓吹之功實有以致之名成不居尤爲難能而可貴今者河山  
 如故時局日非先生當慨然興嘆往往發爲議論其議論又多與國民心理



相印合宜。人手一編。先生之文不脛而走也。先生出其餘力。又喜以文爲戲。新評諧著妙緒。環生下至小說家言。先生尤樂嗜之。余從先生游逾十年矣。附驥尾而名益彰。每念及先生知遇之惠。有不得已于言者。今值先生三十紀念之辰。故樂得而爲之傳。

贊曰。舉世波靡。橫議披猖。羣兒撼樹。徒用損傷。誰作砥柱。挽此瀾狂。厥惟先生。風骨高張。卅年一世。流澤孔長。千秋萬歲。其道彌光。

### 記猴戲

春困無聊。出門散步。見猴人牽猴數十頭。演戲于空闊之場。場之東西插紅綠旂各一。以爲標誌。是時觀者如堵。余亦旁立。徐覘其異。無何金聲一响。羣猴皆跳躍而出。中有二猴向戲箱中各取假面具。載于其首。率他猴分立于

紅綠旂之下。如兩國之主人。翁然猴之手中。咸執短棒。靜以待命。鼓聲起處。兩軍遂出。全隊互相激刺。亦若此而不勝。便有亡國之禍也。者擊刺既久。綠旂終爲紅旂所敗。于是敗者咸束手就縛。狀若俘虜。而紅旂之主人翁昂昂然。面有驕色。雖彼等俯首乞憐。求爲奴隸。卒不一顧。嗟乎。猴何物也。而能描寫歷史。上亡國之慘狀。若是豈非猴人教授之有道。與演畢。余詢操何術。以致此。猴人曰。小人從事于猴戲也久矣。猴之性最靈。故其教之也易。君之所見。特其一班耳。小人家中尙有猴數十頭。若使其着大禮服。合演一齣。共和新戲。恐君見之。猶嘆賞不止。余聞斯言。悲感無旣。夫猴戲雖假。而演之者。則眞。今日吾國號稱共和政體者。奈何有其名。而無其實。耶。予而歸。特濡筆以記其事。

此篇文字。格局嚴謹。語句之中。警醒世人不少。讀者慎勿以游戲筆墨。視之可也。鏡安附註。

記異犬

有乞人牽犬一頭過李子之門。乞人曰舉手。犬則作舉手狀。乞人曰鞠躬。犬則作鞠躬狀。乞人曰演說。犬則張口作演說狀。其狺狺之音。多不可辨。亦若向人演說乞人之苦也者。李子曰異哉。犬乎而舉手而鞠躬。而演說人之所爲。犬能一一爲之。是殆犬而人也。今天下人面獸心者多矣。何犬之不若也。乞人曰。小人賴此犬以乞食也。有年矣。亡清時代。競尙拜跪。故教以拜跪之禮。民國成立。禮制改觀。小人復牽此犬游歷街市。遇演說之場。暨行舉手鞠躬禮節者。使其實地驗習。歸令重演。始能嫻熟。如是且犬性甚義。小人貧無

立。雖。彼。從。未。有。他。適。之。意。若。夫。奴。僕。主。人。富。則。供。其。指。使。主。人。貧。則。惟。恐。去。之。不。速。此。小。人。所。以。樂。與。犬。爲。伴。也。李。子。聞。之。不。禁。嘆。曰。犬。能。知。此。假。使。令。其。爲。官。告。以。愛。民。愛。國。之。道。彼。必。一。一。如。教。今。之。握。印。綬。日。惟。貪。墨。是。務。者。其。對。此。犬。能。毋。有。愧。與。乞。人。去。李。子。感。其。言。遂。爲。之。作。記。云。

借犬罵世。不徒以文字擅長。作者殆有感而發。與鏡安附註。

### 記夢游犬面國事

憂。時。子。痛。國。事。之。日。非。欲。思。有。以。救。之。而。卒。無。善。策。愀。然。不。樂。隱。几。而。臥。方。朦。朧。間。見。一。持。節。者。來。與。余。語。曰。王。詔。汝。汝。其。前。余。詢。之。曰。王。何。人。使。者。曰。至。則。知。矣。于。是。隨。之。行。行。甚。速。雲。烟。迷。目。不。能。俯。視。無。何。抵。一。城。城。中。之。人。皆。犬。面。而。人。身。心。竊。異。之。以。爲。人。耶。犬。耶。究。屬。不。解。使。者。知。余。意。乃。告。余。曰。

此犬面國也不見夫闌闌之間往來而交易者非犬面國之商乎不見夫高坐輿中前呵而後叱者非犬面國之官乎余微領之行不數里有屋數洞地甚軒敞鈴聲鏘鏘然自其中出余曰此何地也使者曰此犬面國所辦之學校也逾時又經一處門牆高大匾額輝煌出入之人各抱紙一束亦若忙無暇晷者余曰此何地也使者曰此犬面國所辦之報館也語畢由西而東則有宮殿在焉雕樑畫棟高聳雲表余意此必犬面國國王之所居也已而使者果語余曰至矣君姑止俟王命來詔可也使者入余遂徘徊于官門之外門內有健兒數十肩荷快槍目眈眈視余余意此必犬面國王宮中之守衛也使者出詢之果然使者引余至宮殿之下命余俯伏余私謂吾國建設共和政體以來此禮不行也久矣不圖今日復見專制儉眼覷王王年已老惟

其。一。種。和。藹。之。容。令。人。可。親。亦。復。可。敬。王。見。余。呼。余。曰。汝。非。自。號。爲。憂。時。子。乎。余。曰。唯。唯。王。曰。汝。國。之。不。強。其。由。來。也。漸。矣。官。吏。惟。貪。貨。幣。而。不。知。愛。其。小。民。小。民。日。事。荒。嬉。而。不。知。勤。其。實。業。上。下。如。此。欲。國。強。也。得。乎。雖。然。亡。國。亦。數。也。汝。之。鬱。鬱。奚。爲。余。聞。王。言。深。覺。王。之。所。語。適。中。吾。國。之。弊。并。嘆。人。面。之。國。轉。不。若。犬。面。之。國。多。多。矣。余。欲。有。詞。鄰。雞。一。聲。忽。然。驚。醒。始。知。余。適。所。歷。之。境。乃。夢。境。耳。磨。墨。濡。毫。亟。錄。之。以。示。不。忘。云。

### 記客談愛國犬事

客。有。造。李。子。之。廬。而。言。曰。子。閱。近。日。報。紙。乎。余。曰。然。客。曰。子。知。近。日。外。交。之。失。敗。乎。余。曰。然。客。曰。子。何。鬱。鬱。不。樂。至。于。斯。極。乎。余。曰。亦。不。自。知。其。所。以。然。而。然。客。曰。僕。談。一。異。事。以。作。子。之。文。料。可。乎。余。曰。請。道。其。詳。客。曰。僕。當。交。涉。

發○生○之○觀○時○其○所○開○條○件○事○事○皆○不○利○于○我○思○與○二○三○同○志○討○論○此○次○解○決○之○結○果○乃○過○友○齋○互○相○研○究○是○時○友○家○所○畜○之○犬○亦○伏○于○其○側○兩○耳○上○豎○目○耽○耽○視○僕○等○揮○之○不○去○儼○若○彼○亦○國○民○一○份○子○不○可○不○與○聞○其○事○者○友○謂○僕○曰○日○人○之○欺○我○太○甚○某○項○條○件○則○喪○我○土○地○權○某○項○條○件○則○喪○我○財○政○權○政○府○若○不○竭○力○堅○持○竟○自○應○允○其○負○我○國○民○重○托○也○實○甚○言○時○意○頗○激○昂○聲○淚○俱○下○犬○見○主○人○如○此○忽○變○爲○猙○獰○之○貌○露○齒○張○牙○跳○躍○怒○吼○亦○似○強○敵○在○前○必○須○撲○殺○此○獠○而○後○已○犬○之○所○爲○殆○猶○聆○台○上○之○演○說○而○旁○聽○者○拍○手○贊○成○者○與○僕○謂○友○曰○信○如○君○言○究○何○以○籌○對○待○之○方○乎○友○曰○勸○全○國○同○胞○抵○制○該○國○之○貨○可○也○雖○不○能○收○效○萬○一○亦○足○使○彼○知○我○國○人○心○之○未○死○僕○曰○善○言○甫○盡○犬○不○復○作○怒○吼○狀○欣○欣○然○有○悅○色○搖○尾○乞○憐○于○吾○兩○人○之○前○呵○叱○再○三○其

態如故與世之夤緣家以其諂媚之容歡迎貴人者無異僕謂友曰此犬何一刹那間喜怒之無常也友曰此犬自豢養以來頗能盡其職守昨今兩日頓易常度家有小僮每日飼之以食該犬平昔奉小僮之命唯謹不敢有所違傲昨僮以洋磁碗貯食飼彼彼非惜不食且將齒咬傷僮手碗亦因之墮地立成齧粉誠不知其何以反常乃爾僕曰綜前後觀之犬非反常也蓋愛國者也友曰何謂也僕曰適與君談論交涉犬伏于側揮之不去是關心時事也聞日人之欺我則跳躍怒吼是欲食強敵之肉也及聞君有對待方法則搖尾乞憐于吾兩人之前作歡迎狀態是贊成斯舉深望吾輩之實力進行也友曰然則齒咬僮手又何說乎僕曰此蓋惡其貯食之碗來自東洋也家有斯犬宜重視之友曰諾僕歸綴始末略貢于先生之前借先生之筆以



傳斯犬先生其許之否余曰有善必彰有惡必揭是吾輩報界之天職也雖然人不愛國而犬愛之世之不愛國者能毋愧與余記其事以爲斯文

### 記夢瓜

午窗獨坐。酷暑如焚。思欲命人購瓜一枚。藉祛煩熱。又以時方仲夏。田中之瓜。尙未成熟。爰乃移榻風前。效羲皇高臥。故事未幾。而沉沉入夢矣。夢中。游于亞東大陸。遇一荒圃。藩籬盡撤。門戶洞開。野草叢中。瓜蔓布滿。盤根于東。結果于北。布種不知幾何年。而後根蒂深固。始長一極大之瓜。其大不可以衡量。其重不可以權稱。神州雖巨。載之幾致陸沉。散步數武。倏見一守圃老奴。龍鍾怪狀。如醉如癡。如僧入定。如夢方醒。詢其姓氏。微笑弗答。問其主人。則曰。此圃已屢易姓矣。惟老奴勤于職守。雖屢易姓。仍舊服役于此。但今日。

之主人翁于此瓜不甚愛惜嘗任小蟲叢集其上不思驅除之法即有時驅  
 除亦未能淨盡語畢他去余聞彼言深以爲異蓋瓜實如許之大其培植匪  
 伊朝夕何其不知重視也有如此于是憑高遠眺見夫雜種同生有白如粉  
 者則歐洲白種之白瓜也有赤如赭者則澳洲紅種之紅瓜也有黑如漆者  
 則非洲黑種之黑瓜也皆雜生于亞洲黃種大瓜之間所幸播種未久蟠根  
 未深瓜蔓未繁結果未大關心瓜圃之土人雖欲摘異種之株拔異種之根  
 又以未奉該主人命令莫敢效農夫去草芟刈而鋤去之只竭才力思想相  
 與保護大瓜勿被庖丁奪去豈知營營擾擾者日夕飛翔于其上游息于其  
 間無不羨瓜之甘美冀其剖而分食之余正太息倏焉驚寤不覺夕陽已西  
 落云

## 五月五日全國宜舉行慶賀說

嗟乎。此何日也。非陰歷五月五日俗所稱爲端陽佳節者乎。夫吾民今日得度此端陽佳節者。誰之賜。非我國政府之所賜乎。何言之回憶陽歷是月是日。中日交涉正在吃緊之時。而吾民奔走呼號。迄無暇晷。有謂亡國之慘。即在眉睫者。有謂甯爲玉碎不爲瓦全者。其一種救國之聲浪。達于耳鼓。幾有不可遏止之勢。一若過此以往。生命財產。即非我有。嗟乎。吾民愚矣。政府苟不愛國。吾民又何必愛家。然政府豈真不愛國者。觀其不折一矢。不動一兵。而外交自和平。解決且能使吾全國人民生命無恙。財產無恙。端陽佳節亦復無恙。不此之賀將焉賀耶。愚以爲全國既舉行慶賀大典。無論操何種職業。均宜停止一日。而各家門首。當高掛五色國旗。向其行三鞠躬禮後。又宜

各設政府長生祿位牌一面亦向其三鞠躬向國旂行禮者以示其不忘國也向長生祿位牌行禮者以示其不忘政府之德也且吾國風俗凡屬慶賀之日不可有戚容尤不可有怒容否則以爲不祥當此交涉解決後之第一佳節吾商界中人索賤之舉似可不必何以故我索而彼與之索之可也我索而彼竟不與勢必坐討坐討不已勢必口角口角不已勢必揪扭夫世俗深以爲忌者自我犯之他日吾國或有不利人皆歸罪于我吾商界中人之肉其足食乎况吾民之得有今日者誰不曰政府之賜萬一交涉不肯退讓諸公之生命財產尙恐不保賤于何有吾商界中人不知亦有此種理想否不知亦以余言爲然否愚謂吾民之于今日也當歡飲蒲觴徧薰艾葉祓除晦氣以召祥和挂鍾馗而辟邪食角黍而益智凡以前所受之種種痛苦暫

爲。擱。置。不。論。及。時。行。樂。得。過。且。過。以。期。無。負。我。政。府。之。意。也。可。

### 國恥紀念日宜舉行提燈會說

五月九日。爲中日交涉解決之期。而一般愛國人民。咸具悲觀。深痛主權之喪失。特以是日爲國恥紀念日。亦猶日人以是日爲國慶紀念日之意。云爾。雖然此舉。誠是矣。其欲吾國人民。永遠不忘國恥二字。究未敢必焉。吾非輕視我國人民也。蓋吾國人民。志在酣嬉。而不知自惕也久矣。此次外交失敗。斷送主權。吾民未嘗不痛。政府之無能。一時引爲大辱。甚有搗毀日人之商店。以洩忿恨。如漢口近日之事。至釀成交涉與否。卒不一顧。彼雖暴動。原其心理。實亦愛國。有以使然。特是過此以往。仍復醉死夢生。腦筋中所有國恥二字。已澌滅不復存在。國恥紀念。焉用紀念。然則欲使吾民永遠不忘此國

恥二字。惟有每歲是日。全國舉行提燈會一次。俾國民腦筋中有所感覺。其所提之燈。宜用黑色。蓋人家新喪一律懸挂縞素。吾國主權既已斷送。與人家新喪主人翁有何區別。况燈用黑色。既不至與日人所提之燈混淆。又取其有相生相剋之義。何以故。余嘗聞星相家生剋之道。確有可信。日人因國慶燈尙紅。紅屬火。其性剛。我國因國恥燈尙黑。黑屬水。其性柔。以水剋火。以柔剋剛。用此斃禁之法。吾知他日日人未有不爲我所敗也。他日日人爲我所敗。則我之國恥。即謂于舉行提燈會時。雪之也。可且世俗之見。家有喜事。不容素服者。攙入。否則即爲不祥。夫日人舉行提燈會之時。亦即我國舉行提燈會之時。彼此攙入。日人或因見我黑色之燈。而有所忌。有所忌而事事必致不祥。此亦戰勝日人之一種也。吾故曰。不欲雪國恥。則已。欲雪國恥。其

于紀念日舉行提燈會可也。不知吾國人以爲然否。

### □考試可以富國說

國家當經濟困難之秋而欲來源不絕者其惟考試之一法乎。欲求考試之可以致富其惟每途月行考試一次之法乎。何言之。查民國考試經費每次二萬五千元。自初次考試具領一次後。至于今日。考試又不下三四次。其經費并未領政府一文。而所用之資悉出于報名執照等費。除開銷外。有盈餘而無支絀。如貿易然。以二萬五千元之資本。獲利殆十倍焉。就此次考試而論。定章報名費每人一元。此次報名者達萬人。所收已萬元。又于及格知事由考試會代內務部收執照費五元。代財政部收印花稅二元。此次及格知事達四千人。共收二萬八千元。連報名費算入。總數爲三萬八千元矣。故考

試一事。政府不但須用費。再爲一種收入事業。滬上各報載之甚詳。愚以爲月行考試一次。可得三萬八千元。每年共十二次。可得四十五萬六千元。然此不過僅就縣知事一途而言。若文官考試。法官考試。外國留學生考試。內地學生考試。每年十二次。又可得一百六十二萬四千元。加以縣知事一途。每年計共得二百零八萬元。以十年計之。又可得二千四百九十六萬元。此猶限于資格已有此數。設再破除。成見。無論龜奴。屁賊。准許應考。吾知廿二行省動官興者。必十有八九。金錢取自于人。用金仍然由我。每年計算。將十倍于二百零八萬元。不止較之某報所謂宜用有獎。購票法者。法尤善也。或者謂如君所言。每年考試一項。進款不可爲不多矣。其用途究有一定否。余曰。此種進款。當以之還外債。收回抵押土地。餘則興辦實業。萬一預算尙



恐不敷不妨創種種新名目如妓女考試書吏考試雍髮修脚考試其考試之法均就各人之所能分別試驗以定去取在國家名雖多一考試實則多一來源由是年復一年又何慮不變爲至富之國耶

病獅說

有獅焉自開關以來即產于亞東大陸其雄威所振他獸莫不懾伏然性喜睡睡則即有大法螺家之法螺嗚嗚然吹于耳畔彼亦不醒故外侮雖至竟不設備是以向之畏彼者皆羣起而共謀復或履其尾或捋其鬚或搖其頭或牽其足彼經此戲弄似宜大聲怒吼驅逐異類乃因貪睡之故等諸不聞不見他獸始則嘗試終成習慣非特絕無所畏且令橫臥中央之龐然大物形體漸漸尪瘦推其所以致病之由實睡之有以爲害也如人身然飲食

之。後。不。思。運。動。遂。易。成。疾。今。欲。使。其。再。振。雄。威。復。其。原。相。惟。有。從。根。本。上。解。決。據。醫。家。云。無。論。人。畜。凡。善。睡。者。皮。膚。中。必。生。有。一。種。微。生。蟲。耗。其。血。液。血。液。日。耗。精。神。立。致。疲。敝。善。醫。者。當。先。以。藥。殺。蟲。然。後。其。疾。始。愈。夫。獅。自。開。闢。以。迄。于。今。不。知。歷。幾。千。餘。年。矣。其。間。或。睡。或。醒。症。尙。可。治。近。數。百。年。來。沉。沉。酣。臥。受。病。愈。深。不。速。治。之。日。復。一。日。吾。恐。皮。膚。中。所。生。之。微。生。蟲。必。如。恆。河。沙。數。又。豈。止。四。萬。萬。而。已。哉。一。旦。腑。臟。中。乾。雖。扁。鵲。復。生。亦。難。奏。刀。圭。之。效。且。他。獸。見。之。勢。必。指。之。曰。此。睡。獅。也。虛。有。其。表。何。畏。之。足。云。嗟。乎。獅。之。能。生。存。于。世。界。者。以。其。爲。百。獸。之。王。耳。若。獅。不。以。王。自。居。仍。復。酣。睡。如。故。則。昔。之。履。其。尾。捋。其。鬚。者。他。日。必。扼。其。吭。而。拊。其。背。矣。昔。之。搖。其。頭。牽。其。足。者。他。日。必。寢。其。皮。而。食。其。肉。矣。獅。乎。獅。乎。汝。欲。生。存。于。世。界。乎。汝。亦。知。外。之。不。足。慮。

而內之足憂乎。

幽憤篇

執螻蛄而與之論春秋寒暑不知也。取朝菌而與之驗晦朔明昏不知也。進蠶蠹衆生而與之商今日之時局理亂不知也。驟得三斗麥便思易妻母一而子二遂揚揚焉。自命爲富家翁藻宮室錦車馬以爲大丈夫如是亦足矣。忽提其耳而語之曰。外侮外侮內訌內訌不以爲狂易則以爲咒詛而達觀者且掀髯佯笑設天幸而生汝輩青年志士爲塵海之砥柱成則吾實受其留敗則同歸于盡而吾已得以消遣此三年五年纍卵之光陰較之奔走惶汗痛哭流涕于事曾無少濟者其巧拙爲何如也。吾始聞而駭焉繼而渙然釋然而歎斯言雖近于激烈其理實未可遽易也不觀夫列強乎雖睽睽

焉。環伺吾側而玉帛而櫛俎未聞以一矢相加遺也。二辰丸之惡劇一轉移間已闐寂銷聲矣。江浙梟匪多成于烏合天戈所指旋卽撲滅其他盜賊醜類得一二賢有司督率捕役旋起旋獲比戶不驚而絃歌相答亦足以粉飾承平沐浴清化矣。雖近日上游之蛟水天末之風霾死傷實多屍骸枕藉亦會逢其劫冥冥中自有前因後果曾未足稍動其心藉曰同胞同胞而家庭且無不死之弟兄豈道路轉有恤災之骨肉卽不幸而年歲不登飢饉荐至而乞糴不艱于鄰國助賑有恃于長官且曩日所患者百物踊貴米珠薪桂而已今則年復一年而一倍焉而再倍焉而三倍四倍焉甚至于五倍六倍曾未聞居家者衣減一尺之帛饌節一饒之珍也取之無盡用之不竭猗歟盛哉因昔人所謂天下之雄國也謂余不信彼碧眼虬髯兒胡以通商必于

我。口。岸。也。銷。貨。必。于。我。市。場。也。日。言。興。工。藝。而。吾。國。士。大。夫。家。廳。廡。之。陳。設。有。一。爲。吾。國。所。製。造。乎。而。滿。口。文。明。者。且。必。袖。金。錢。入。租。界。購。草。帽。賃。皮。靴。呢。服。而。毡。褲。不。如。是。不。足。以。登。交。際。之。場。彼。衣。大。布。之。衣。服。大。帛。之。冠。者。非。頑。固。之。老。翁。直。田。舍。之。荒。儉。耳。外。人。殫。其。技。巧。吾。則。便。其。取。攜。機。聲。軋。軋。釘。頭。鄰。鄰。歐。之。西。美。之。北。亞。之。東。不。啻。爲。吾。人。之。大。製。造。場。也。而。必。焦。心。苦。思。皺。手。瘰。足。以。與。之。當。什。一。之。利。毋。乃。非。遠。者。大。者。而。有。失。皇。皇。神。明。之。胃。之。體。統。也。乎。銅。山。胡。高。不。知。其。幾。尋。也。金。穴。胡。洋。不。知。其。幾。仞。而。積。之。輦。而。致。之。使。覬。覦。者。奔。走。于。其。下。則。亦。極。快。心。之。事。矣。非。然。者。吾。愛。一。物。彼。何。以。承。吾。意。旨。而。竟。如。我。願。以。償。也。假。使。我。之。所。蓄。即。不。幸。而。爲。若。輩。竭。澤。無。餘。或。轉。留。此。塊。然。二。萬。萬。方。里。無。用。之。神。州。使。我。得。安。養。休。息。則。不。須。日。謀。

閉關而他族或竟捨此而去也。再不然奴隸矣。牛馬矣。任我後人受之。所謂子弟亦天地間之蒼生無預我事者也。我亦既垂垂老矣。不及此大好光陰。奉朶頤而甜食。息人雖至愚亦安肯出此也。耶。莊子有云。此亦一是非。彼亦一是非。吾終不得謂其言之不近理也。吾特恐人人心目中咸具此理想。而國終不國也。嗚呼撥亂反正數十豪傑旋轉而不足者。而儕輩乃欲以安坐得之天。其或者驕寵支那而兢兢惟恐黃種之絕于大地也。庶幾可耳。即我之爲是也。我亦自知其已過矣。世不乏高掌遠蹠之士。前窺古人。後矚來者。咸知漆室報燭未必其果明。閉門造車安冀其合轍。彼達而在上。日以天下爲己任者。自有權衡而必爲是不入耳之言。來相勸勉。起人之謗。撻人之怒。觸人之忌。是食焉而無以飢。息焉而無以倦。耶。雖然吾不能不言者。吾恐不

言吾將抱此幽憤以至於病病而至于死也。

□無欲篇

（讀金熙生太守致親友通函感書）

富貴與利達與狗馬而宮室與子女而玉帛與茶火哉錦繡哉吾不知天胡忽布散此無限靡麗紛華之景物以糝點此塊然之黃土也吾又不知上帝生人胡必于其第一天性中而即使其惟此是嗜也四千年之歷史吾不暇一一詳言之矣即以現今大勢而論皇皇神明之胄其不絕如縷者謂非執我政柄之諸公四體沉酣于其中腦筋浸灌于其中以至吾國民所希冀之良法美意若海上神山舟欲近風輒引之去使人可望而不可及謂執政之不知外侮之不可不防吾不敢作是違心之論也謂執政之不知內訌之不可不弭吾亦不忍持是不經之說也然則防外侮矣弭內訌矣至于今而不

能收明效大驗者則多欲爲之也。歷種種之階級。升層層之資格。一旦得志。必望其自瘠以肥天下。蕭然而來。飄然而去。此三代以上之人物。即不得已。亦必漢之二疏。晉之陶潛。可以當之。苟持是以求。今之士大夫。是故爲高論。以欺世。非通中之論也。乃于橫流潰決之中。忽有人毅然決然。舉世界之所諱。莫如深者。先揭其隱。以自勵。復揚其旨。以勵人。信之既堅。持之有素。無欲之印。泥常絢然。照耀于紙墨之際。都人士固已企足拭目。額手稱慶。而望使君之大有造于我夏口也。夏口號稱繁劇。華洋之雜。處物產之富。庶稍一不慎。則人得以嘗試我。我亦遂不能自信。其天君今日。我卽不坦然自白。則亦誰持議于我後者。特戰兢之心。難守而易弛。故不如奮其意氣。逕自決斷。寧得罪于親友。不可得罪于君父。不畏忌嫉。不顧怨謗。旣可戢後來。苟苴之門。



而益足。堅我他日操守之範。言之成理而行之不違。好事者不爲而謂賢者。爲之乎。勉人者一時而自勉者無窮期矣。此太守致函之苦心也。記者太息時事。往往持論過激。不免速謗于當世。所謂世皆欲殺久矣。豈于太守而獨進諛詞。誠以潔室捫燭。見光而啞然。空谷無人。聞足音而跫然。心喜不必謂當道諸鉅公。竟無清潔自守者。而如太守之能自發。諸口吻。所謂骨鯁在喉。不吐不快者。實年少氣盛。有以使之。嗚呼。吾于是益嘆。能知自愛者之難得也。夫彼以笑說進者。雖未知其爲何如人。然窺其心。必且以舉世無不可以售其奸。而始買買。然爲此也。使儕輩達而在朝。則朝敝窮。而在野。則野敝。天其不欲相我支那乎。荆棘不除。亦芝蘭之憂也。太守勉乎哉。太守爲吾鄉人。未嘗銜杯酒。結殷勤之餘歡。僅聞其于記者文字。頗相傾側。由是不能無知。

已之感。今日之刺刺。爲是言者。非媚太守也。將以策勵之。望其進而爲循吏。以爲吾鄉黨光也。汪夏之王。漢陽之李。政績咸卓。有可紀。是皆大江南北靈秀之所鍾耶。今得太守。且角立而成三矣。語有之曰。言之匪艱。行之維艱。記者不敏。竊願有以覘太守之後也。太守勉乎哉。

篇末江夏之王。指高郵王棠軒大令。漢陽之李。指江都李振卿大令。時二人一署江夏。一署漢陽也。鏡安附註。

### 口賽馬篇

(誌漢口自關賽馬場事)

春色暄妍。芳草芊麗。都人士車水馬龍。裙袂軒舉。相與恣觀游之樂。夕陽在山。人影散亂。歸而讚嘆曰。盛會哉。西人之賽馬也。記者曾一涉足其地。其所見。解似與儕輩少異。覺觀止之後。心志悲嘆。唏噓累日。而未嘗有得色也。諸

君不見乎其洋屋。矗列高據而談笑者。非悉碧眼虬髯兒。與有婦子有賓侶。而吾國得廁其重者。除二三少數之人。其餘均屏斥于廣場之外。而又明揭其旨曰。不許中國人擅入云云。夫彼自創行樂之地。而自樂之。吾輩寧能責其非理。然而撫心一問。其殆吾之程度。果有所不足。而野蠻之面目。實足以污其地。址而擾其清興也乎。不然。何見拒之深也。積習相沿。安之若素。蓋已非一日矣。今年春。吾心忽得一不可思議之奇快。則吾人自關賽馬場是也。考外人名勝之區。非僅恃其恣游賞快心志而已。其目的所在。則由是開闢利源。廣增貿易。日本紀載。至以地方有名勝。爲吸收外資之標幟。增殖富源之左券。則其用意。蓋可想見。吾人不察。乃年復一年。舉其金錢輸入外界。至于其極。又復收如此之惡果。區區一游觀之場而已。猶不復能自振作。則無

惑。乎。政。界。商。界。上。吾。人。皆。退。處。于。劣。敗。之。地。位。也。乃。商。會。諸。君。聯。合。團。體。決  
 意。相。度。地。址。巧。爲。經。營。雖。議。起。倉。猝。而。于。三。日。夜。間。廣。袤。建。數。十。里。地。規。模  
 宏。闊。佈。置。妥。貼。遂。亦。得。于。風。和。日。美。之。中。紅。旂。指。揮。人。波。欲。動。疊。足。駢。立。萬  
 聲。歡。呼。外。人。大。詫。驚。其。神。速。亦。陸。續。偕。至。觀。我。國。光。猗。興。盛。哉。而。經。理。者。又  
 復。宣。白。宗。旨。戒。勿。肇。事。至。親。守。門。闔。防。有。暴。動。果。自。始。至。終。迄。無。選。舉。由。是  
 而。春。而。秋。續。續。至。于。千。萬。春。秋。皆。視。乎。此。矣。利。不。外。溢。而。權。自。我。操。與。其。屏  
 息。于。他。人。範。圍。之。下。獨。不。能。展。吾。中。華。尺。寸。之。土。使。我。同。胞。得。以。揚。眉。吐。氣  
 激。昂。青。雲。耶。是。役。也。需。費。約。八。千。餘。金。而。所。售。之。票。已。得。九。千。金。其。餘。小。民  
 之。交。易。負。販。之。什。一。纍。纍。所。得。又。不。可。勝。紀。固。知。我。國。未。嘗。無。制。勝。之。術。特  
 昧。者。不。知。而。知。者。不。信。坐。使。他。人。吸。我。菁。華。默。不。敢。較。若。賽。馬。場。者。夫。非。其

一端與。或曰。外人之賽馬場。既不許我中國人之闖入。我亦當即從其道。我之賽馬場。亦不許外國人之闖入。此言又非也。夫抵制之術。尙可明而不尙。負氣彼之斤斤絕我者。本非正當之辦法。我以其非正當之辦法。乃出于此。我所不欲者。又施之于人。是我知其弊。而又蹈其弊。古人所謂尤而效之。殆有甚焉者矣。况政府方以外交爲重。而吾乃以毫末之舉。傷中外之感情。又胡可者是。故我不絕之。適足使其自愧于心。而悔其見識之淺。此又非他人所能窺測者矣。噫。風氣之開。電靈不能喻其疾。人心所嚮。君又不能奪其權。我同胞果各奮發。有爲凡舉。一事先自立于無過之地。使隣國不生違言。官吏無所藉口。能受治。然後能自治。則我國國徽有不使觀之者。咋舌而忌之者。傾心吾不信也。則又豈獨此賽馬場之一事。爲中國二十一行省之所。

無而我漢口獨開此豪情勝概之幕也哉

### 擬地藏王請增設十九層地獄奏疏

奏爲鬼滿爲患籲請天恩俯准增設地獄一層以便分押鬼犯恭摺仰祈聖鑒事竊據冥府各獄獄官詳稱職等所司之獄自開闢迄于清末并無鬼滿之患推原其故由于生死之數相等各獄故不致狹隘民國以來陽世之人誤解自由動輒違法卒至身罹大辟每日除病終及十惡而死不計外槍斃之犯以千萬計陽世多一死囚陰曹即多一新鬼紛紛報到無地能容雖托生陽世者不乏其人究莫補于死者之數倘不亟思變通辦法其何以拘繫幽魂爲此聯名詳請增設地獄一層以便分押鬼犯庶無擁擠之苦并請飭下各城隍各司會議等情前來准此當即一面派員前往各獄查看是否屬

實。一。面。飭。各。城。隍。各。司。會。議。詳。復。是。否。可。行。旋。據。各。城。隍。各。司。詳。復。前。來。亦。如。該。獄。官。等。所。請。又。據。委。員。稟。復。所。查。各。節。確。係。實。情。臣。伏。思。原。設。地。獄。十。八。層。自。古。相。沿。垂。爲。定。則。似。不。能。于。原。有。之。外。再。爲。增。設。惟。是。今。昔。異。時。死。生。異。數。倘。格。于。成。例。則。新。來。者。究。納。于。何。所。今。該。獄。官。等。聯。名。籲。請。出。于。至。公。合。行。仰。懇。天。恩。俯。准。將。地。獄。增。設。一。層。以。便。分。押。鬼。犯。而。免。狹。隘。出。自。鴻。施。爲。此。恭。摺。具。奏。伏。乞。皇。上。聖。鑒。訓。示。臣。地。藏。王。某。謹。奏。

### 擬財神請飭各神捐廉以救下界災民奏疏

奏爲民生困苦。籲請天恩。俯准飭令各神捐廉。以濟災荒。而惠窮黎事。竊據下界各屬土地詳稱。下界自民國以來。財政困難。已達極點。而又發生數次革命。是以民間損失甚巨。近年各省災荒。又復疊見。靡食靡家。所在皆是。擬

請大神奏明發帑賑濟。如庫款支絀。爰照下界借外債。例向海外財神借款若干。以應急需等情。前來查下界衆生。頻淪劫運。慘苦之狀。臣亦時以爲念。已先後飭據調查員詳同前情。理應迅予維持。惟是上界經濟恐慌。如出一轍。况所儲庫款。各項政務。需此尤殷。自不能俯如所請。若向海外財神借債。又殊失大國體統。然苟因噎廢食。究何以惠我窮黎。臣再四思維。已籌一暫行變通之策。伏思三十三天之上神祇林列。擬請我皇上按俸照捐。大缺捐若干。小缺捐若干。優缺捐若干。苦缺捐若干。請自臣始。捐俸若干。以爲之倡。在各神所費無多。而小民亦得救目前之急。此係暫行變通辦法。合行仰懇天恩。俯准微臣所奏。以濟災荒。而惠窮黎。出自鴻施。爲此恭摺具奏。伏乞我皇上聖鑒訓示。臣財神謹奏。



**擬齊天大聖請添派神將收回下界羣魔奏疏**

奏爲羣魔擾亂下界。無力制伏。籲懇天恩。俯准添派神將。收回羣魔。而重民命。恭摺仰祈聖鑒事。竊臣前奉諭旨。謂滿人當國。驕橫非常。民怨沸騰。不勝厥職。着惡魔首領。六耳獼猴。率其種族降世。推翻專制。改建共和。務宜公而忘私。推誠相與。并着齊天大聖速往下界。監督該魔等所作所爲。如果塗毒生靈。有違朕命。卽飭就近捕拿。按照天條治罪。欽此等因。臣拆旨後。當往下界監督一切。該魔等十數年來。亦知遵旨辦理。雖犧牲生命。而百報不回。人以彼有助勞。事成之後。推爲臨時公僕。詎意營私罔利。故態仍萌。恩旣負天。名復掃地。以致輿情不洽。祿位難安。不得已退讓鳴高。陰謀暗逞。南北視同水火。贛寧頓起干戈。假面揭開。元形畢露。臣爲救民起見。豈容若輩鷓鴣張。爰

興。撻。伐。之。師。更。下。捕。拿。之。令。無。如。該。魔。等。神。通。廣。大。變。化。多。端。借。強。敵。爲。護。符。煽。軍。人。而。謀。亂。始。等。負。隅。之。虎。終。成。漏。網。之。魚。迄。今。海。外。潛。逃。猶。復。不。知。悔。過。甘。言。媚。敵。暗。地。招。兵。作。浪。興。風。自。恃。飛。廉。善。走。斬。俘。告。廟。何。時。巨。熬。成。擒。臣。竭。盡。智。能。只。堪。驅。逐。觔。斗。雲。駕。原。由。我。誰。秉。國。鈞。金。箍。棒。舞。可。降。妖。難。防。暗。殺。思。維。至。再。惟。有。奏。請。我。玉。皇。添。派。神。將。數。員。協。同。擒。捉。并。飭。五。大。洋。龍。王。等。遇。有。惡。魔。不。許。渡。載。俾。其。易。于。就。戮。合。行。仰。懇。天。恩。俯。准。添。派。神。將。收。回。羣。魔。而。重。民。命。之。處。出。有。鴻。施。臣。齊。天。大。聖。謹。奏。

代全國窮民討財神檄

彼。財。神。者。昏。庸。成。性。勢。利。存。心。握。人。間。財。政。之。權。無。一。視。同。仁。之。意。愛。憎。由。已。予。奪。不。公。一。介。寒。儒。偏。教。潦。倒。千。金。之。子。厚。以。貲。財。既。辜。上。帝。之。恩。復。犯。

誓作前驅槍竹一聲响同炸彈鐵籤三寸快比鋼刀而况燈號幽冥點之則敵人喪胆口含烟霧噴之則強寇亡魂操法既精奇謀早定黑籍固多健將勿謂無人中原偌大版圖要知有主用特先張露布告爾渠酋傳其不念盟言竟忘白馬佇看大施撻伐直擣黃龍此檄

### 戲擬剃頭仔討剪辮佬檄

惟剪辮佬大興之日正剃頭仔末路之年敢以熱血一腔檄文一道佈告我同業曰嗚呼世風不古人趨維新禿頭之志士日多辮尾之命運遂絕人皆剪髮我少揚頭衆同業其知之否耶我等猥蒙大清恩典寵以聖顏之歎加以待詔之銜不藉登科出入亦旗杆轟峙居然喝道傳呼則鐵剪鏗鏘縱業賤職微而愛戴滿清固儼然與于忠愛之列者也乃有僞維新剪辮佬者謬

下民之怒。况某等。虔求有日。靈爽宜昭。乃彼也。置若罔聞。癡聾如故。升斗米。恒難隔宿。誰給三餐。獎義券亦購多張。未曾一中。若謂窮原有命。暴發戶。胡爲而來。果其神本無靈。木偶像又焉用此。爰代窮黎。洩忿乞丐。呼冤今朝。下筆爲文。一字嚴于斧鉞。他日興師。毀廟千秋。斷却香烟。此檄。

□全國烟鬼結合團體以張國威檄

彼敵國者。挾狼子之野心。達鯨吞之目的。主權喪失。國體動搖。志士呼號。人民心憤。僉謂甯爲玉碎。不爲瓦全。萬衆一心。決無異議。此可見人心不死。公道猶存。彼旣以壓力相加。我何妨枕戈以待。某等雖爲烟鬼。等是公民。旣不願覆我邦家。又焉肯爲人奴隸。時機急迫。大局阽危。平時福享清閒。曾效孔明之臥。此日憂深水火。甯歸先軫之元爰。乃號召同儕。編成勁旅。羞爲後盾。

談變制。動曰改裝。煩惱三千。削除殆盡。笑吾輩曰野蠻陋習。美其名曰文明。西裝風氣所趨。人皆效法。極其弊。勢不至舉摩頂利天下之熱心人。盡投入淘汰圈中而不止。惟思我輩工夫雖細。價值甚微。凡揸背打辮爬耳洗眼諸工。竭點鐘之久。僅博四五仙之利錢。食力效勞。我等究何負于彼。使人人心醉歐風。概行斷髮。是并我等些少之利權。而亦奪之。天下可憤可怒之事。孰有甚于此者乎。某等心關同業。位列行尊。憐夥計之灰心。憤本行之失藝。大集同羣。克成義舉。外聯幫手。旁慕滑頭。人馬齊班。干戈五色。耳掃指而星辰失色。面刀橫而日月無光。烏布爲旗。刀筒作砲。務使西裝氣奪。故業重光。耀彼眼簾。漸近文明之域。震人耳鼓。重開蔽塞之天。舉目驚地球。罕有豚尾。去垂死心。與滿族爭光。雀翎并映。是則辮子萬歲。剃頭萬歲。不獨爭利權于一

已。亦。可。殉。大。義。于。清。廷。行。將。砥。礪。河。山。功。勛。柱。石。欽。加。大。紅。寶。石。耀。爾。頭。銜。御。賜。上。方。寶。刀。榮。于。身。後。蔑。以。加。矣。豈。不。懿。哉。倘。其。眷。戀。窮。途。犧。牲。義。務。坐。視。強。權。之。干。涉。不。事。鐵。血。于。自。由。將。處。此。天。演。界。中。必。入。于。餓。鬼。道。上。矣。我。輩。務。其。行。破。壞。主。義。擲。赤。血。頭。顱。須。至。檄。者。

### 擬腐儒哭八股文

維中華民國某年某月某日。腐儒某。謹以香花清酒。哭奠于八股之靈前。而言曰。嗚呼。某與公相依爲命也。有年矣。某之衣。賴公給之。某之食。賴公賜之。某之科名。賴公以博取之。某之一家。能不飢不寒者。亦賴公以生活之。是公之待某。其恩不可謂不厚。其德不可謂不深。然而恩如此。德如此。則某之謀所以報公者。固可緩乎。乃某方亟亟報公。而公竟棄某而長逝矣。嗚呼。痛哉。

公。生。于。明。代。秉。日。星。之。精。河。嶽。之。靈。以。成。此。偉。大。之。器。規。行。矩。步。秩。序。井。然。上。而。名。公。鉅。卿。下。而。儒。生。韋。布。類。皆。借。公。爲。顯。揚。之。具。而。公。亦。如。願。以。償。論。者。謂。公。之。待。人。也。寬。其。享。壽。也。必。永。詎。意。干。清。德。宗。時。爲。小。人。所。譖。廢。棄。不。用。以。致。鬱。鬱。而。死。公。之。死。也。凡。受。公。之。恩。者。莫。不。躑。躑。呼。號。如。喪。考。妣。然。則。公。之。爲。人。固。可。知。矣。公。嘗。語。人。曰。吾。生。平。不。嚴。以。取。人。惟。與。我。游。者。輒。能。收。束。身。心。中。我。繩。墨。是。公。之。造。就。人。才。爲。不。少。也。公。之。造。就。人。才。爲。不。少。則。天。宜。庇。公。佑。公。胡。爲。使。公。而。至。于。死。也。公。死。而。某。之。生。命。不。啻。與。之。俱。死。矣。何。者。某。自。識。公。以。來。歡。迎。某。者。有。之。稱。道。某。者。有。之。執。贄。于。某。之。門。者。有。之。及。聞。公。死。向。之。歡。迎。某。者。由。是。而。拒。絕。矣。向。之。稱。道。某。者。由。是。而。唾。罵。矣。向。之。執。贄。于。某。之。門。者。由。是。而。紛。紛。他。去。矣。嗚。呼。公。存。則。榮。公。沒。則。辱。某。自。哭。某。

不得不爲公哭也。公而有靈，尙其來饗。

### 代小民送貪官去任序文

維某年月日。知吾邑縣事某公。忽有去任之命。吾民以其賢也。發電爭留之。而卒不果。因是丐余作序。以送公行。雖然。公之政蹟。如興辦花捐等諸名目。人人所道之。奚用余序。然則余欲序公。曷爲而序公。或曰。昔鄧攸之守吳郡也。治化純美。挽之不留。民乃作歌以送之。敢請以此例公。或又曰。昔廉范之守蜀郡也。人稱其賢。去之日。民亦作歌以送之。敢請以此例公。余謂。序公當序其大者。彼鄧廉之政績固美矣。猶未足以與我公相頡頏也。何言之。吾邑地皮素苦太厚。高低凸凹。隨在皆是。土著之民行走均覺不便。凡宰斯邑者。不過略徇民意。代爲刮削一二。卽已中輟。故其德被于吾民者。猶淺而去任。



之時。吾民亦仿照官樣文章。送以牌匾。于去留二字。無所得失于心。我公蒞任以來。首命包打聽千里眼。輩遇有地皮。竭力爭刮。并囑將所刮之土。納于箱籠。不可堆積道旁。以病吾民。是以高低一致。凸凹悉平。吾邑之人。咸謂公之德政。此居第一。至于今日。地如紙薄。已非復曩昔之厚矣。則是公宰吾邑。能得民心也。固宜以所得民心之官。而不久于其位。吾民之不幸。亦卽地方之不幸也。雖然。公之去任。不患他日不再。握符篆一則。官聲滿于都會。一則親戚徧于朝中。獨是吾邑地皮。自公去後。無人從事。刮削仍恐。漸長漸厚。有礙行走。安得賢如我公。重蒞斯邑。與吾民分其痛苦也。爰綴始末。作爲序文。以誌吾民之不忘我公云。

擬肅政使等聯名彈劾某襄校文

爲試官試驗無方。率意遊戲。聯名據實彈劾事。竊思考試爲掄才之典。知事乃親民之官。主試者旣不容率爾操觚。襄校者尤不能不小心將事。萬一稍爲疏忽。非失之于濫進。卽失之于遺才。此考試之時。所當慎而又慎也。查此次考試之某。囊校胸無學術。性喜滑稽。百計鑽營。始供斯職。乃猶不知自檢于口。試一場。猝令某充閉門之役。此舉甫行。全场大笑。在某固服從命令。在彼實戲侮有心。殊不知考生何人。閉門何事。而顧以之試驗乎。某無法律知識。本不足道。其如輕視國家之名器。何言之閉門爲僕役之責。考生卽將來之官。彼旣視官如僕役。其居心已不可問。此而不劾。他日必有以裝水烟爲試驗者矣。必有以倒溺壺爲試驗者矣。甚至吮臙試驗。舐痔試驗。掇譬試驗。試驗之新法。旣多醜態之傳揚。自易幸而尙未爲報界所聞。設使報界聞

之。知。爲。考。場。最。新。之。事。遂。登。報。紙。不。特。外。人。作。爲。笑。柄。竊。恐。我。國。官。禮。且。因。若。輩。而。玷。辱。也。某。等。爲。整。肅。官。方。起。見。特。將。某。襄。校。所。有。試。驗。無。方。率。意。游。戲。各。情。形。聯。名。據。實。彈。劾。伏。乞。批。准。飭。交。高。等。文。官。懲。戒。會。議。處。俾。嗣。後。考。試。不。至。再。有。此。種。現。狀。則。幸。甚。幸。甚。肅。政。使。某。某。等。謹。呈。

### 祭烟鬼文

維某年月日某某謹以烟泡數個香茗一杯致祭于烟鬼之靈前而言曰嗚呼公之死也至今已一週歲矣其一週歲之中禁烟功令雷厲風行較公生時爲尤甚然禁之愈力世人吸之愈多未聞國家處以槍斃之罪于以歎公之鬱鬱而死也爲可惜耳猶憶公嘗語人曰吾無命也以烟爲命耳政府不能力圖自強而徒諉過于煙之爲害立意禁絕殊不知印度鴉片在明時已

輸入中國。雍乾之際。內地各處。亦徧種罌粟。國運由是日隆。足見國家之強。不強。無關乎煙之禁不禁也。今政府欲以禁煙。爲強國之基礎。不啻并我生命而亦絕之。他復何望。嗟乎。公爲斯言。一若煙盡而國亦垂盡。以身殉煙。卽無異以身殉國也。雖然。公之遠慮。不爲無見。特公不死于煙。土禁絕之後。而死于煙。土未禁絕之前。某雖哀公。某不能不以公爲大愚。何言之見其禁絕而死。死可也。未見其禁絕而先死死不可也。于煙土尙未禁絕而先死。安知他日煙土不復活乎。煙土活而公之生命不復與之俱活矣。此某所以責公爲大愚也。况我國政府。其辦事也。素無一定宗旨。昔以煙毒爲當除者。今復設局專賣矣。旣禁而又專賣。政府誠不足責。吾意公苟未死。必且相顧大樂。日徜徉于芙蓉城裏。極吞雲吐霧之能。旣不知人世間別有樂境。獨是煙土。

活。而。公。不。與。之。俱。活。致。令。吾。儕。于。一。榻。橫。陳。時。少。一。良。友。誠。人。生。極。大。憾。事。  
公。而。有。知。九。泉。之。下。目。亦。難。瞑。雖。然。此。生。已。矣。某。願。公。他。生。投。于。吸。煙。者。之。  
家。墮。地。之。時。卽。飽。嘗。阿。芙。蓉。滋。味。以。補。今。日。所。吸。之。不。足。則。某。之。所。望。于。公。  
者。至。矣。何。以。故。煙。禁。旣。開。人。人。爭。吸。我。國。家。得。此。歲。入。巨。款。不。難。舉。一。切。外。  
債。而。悉。償。之。此。萬。世。莫。大。之。利。也。有。此。莫。大。之。利。而。謂。吾。子。孫。不。永。遠。名。隸。  
黑。籍。者。有。斯。理。乎。茲。特。爲。文。藉。達。誠。意。如。有。靈。爽。尙。其。來。饗。

代鼠祭懶猫文

維某年月日。鼠輩謹具鮮魚一尾。冷飯一盆。致祭于狸公之靈前而言曰。嗚。  
呼。狸。公。天。生。壽。相。如。癡。如。聾。我。輩。出。入。公。能。相。容。有。時。我。輩。與。公。爲。戲。捋。公。  
之。鬚。履。公。之。尾。公。旣。不。怒。亦。復。不。聞。有。如。儒。者。其。貌。恂。恂。書。誦。梵。經。夜。眠。綉。

榻。有。如。佛。家。立。志。戒。殺。飼。肉。則。肉。飼。魚。則。魚。公。于。飲。食。不。擇。精。粗。主。人。于。公。  
 猶。來。責。備。設。公。懶。惰。縱。容。異。類。公。甯。負。咎。易。暴。以。仁。保。我。種。族。植。我。兒。孫。公。  
 之。居。心。令。人。可。敬。若。曰。仇。我。夫。又。誰。信。曷。以。報。之。祝。公。萬。年。天。胡。不。佑。一。病。  
 奄。奄。善。人。天。亡。惡。人。壽。考。蒼。蒼。者。天。何。其。顛。倒。得。公。噩。耗。莫。不。歎。歎。自。茲。以。  
 往。我。族。其。夷。安。得。如。公。性。情。長。厚。善。視。我。儕。留。名。宇。宙。公。日。雖。暝。公。德。猶。存。  
 我。思。公。德。爰。作。斯。文。佛。說。菩。提。無。挂。無。礙。願。公。靈。魂。早。升。天。界。拔。于。九。幽。皈。  
 依。三。寶。勿。墮。輪。迴。再。尋。煩。惱。公。而。有。知。靈。爽。宜。憑。心。香。一。瓣。來。格。來。歆。尙。饗。

### 代新事上省長太太稟

敬稟者。竊知事到省以來。衙參數次。雖蒙憲眷。允委差缺。惟閱時已久。消息  
 沉沉。旅費既屬不支。運動又無能力。人皆得意。我獨向隅。敢謂徇私。自當怨

命歸兮。倘賦苦無避債之台。守亦徒然。空作挂牌之夢。躊躇至再進退。兩難伏思。我憲太太。馭下以仁。有求必應。凡茲屬吏。視若兒孫。爰爲將伯之呼。冀得輿援之助。况乃枕邊命令。誰不依從。舌底吹噓。莫非功德。篆符果握。鴻恩永遠。難忘採辦。素諳馬桶。亦能代買。隨上意而量材。錄用守官。箴而矢志。無違。但教我可臨民。嘗糞。奚嫌臭味。若恐兒能作賊。掇臀願受笞刑。倘肯先容定圖。後報所謂一朝受惠。百世酬恩。感激涕零。固不獨身受者已也。謹肅丹稟。叩請慈安。知事某某謹上。

□代某縣佐再上某省長稟

敬稟者。竊縣佐猥以庸材。謬膺部選。領憑到省。一事毫無。固由于目不識丁。實咎在才非善拍。趨謁少而脚靴亦破。板凳坐而肉瘡全生。度日如年。囊金

復罄不得已倩人代筆具稟求差爲龍爲蛇誠非縣佐之所能區別也詎意放同臭屁致犯嚴威還期語當春風敢勞鈞聽伏念我上憲容人大雖批頰而無妨馭下心慈偷乞憐而終許是以求寬既往徐俟將來苟得優差寧作公門之犬即充賤役甘吹姨太之牛經驗以歷試而愈深恩寵以勤勞而始固行藏在我詎敢鳴高笑罵由人非同戀棧知事尙遵守閉門之令豈縣佐羞爲打掃之夫官雖小而予自朝廷缺縱苦而委諸局運所謂朝膺一命榮及全家固不獨及身感激已也謹肅丹稟恭請鈞安縣佐某某謹上

擬各省黑籍中人上陝甘各大員稟

戊申六月孫毓筠上書政府請設陝甘公膏局每兩貼印花二元  
年可收千萬并限制地點設公煙館此事果行非特本省煙民大



樂卽非本省煙民。亦將適彼樂土。余特戲爲斯文。

爲聞風歸化。願爲煙氓事。竊某等以守黑工夫。爲煉丹種子。雖燒白土。仍擷味道之腴。憤駛丹田。遂染膏肓之痼。乃酣歌醉舞。愆未惕乎風三。而泰極否來。運忽丁乎陽九。惟有緊咬牙關。痛除心癮而已。奈杵未降。魔尙乏積年之艾。而令須禁吸。遽來催命之符。苦旣甚于跳牆狡兔。思夫營窟側聞。陝甘在化。獨高臥治之風。煙館公開。深荷曲全之德。作蓉城之砥柱。樂與民偕。聚草野之櫛。槍悉非私。有入境內者。不須聞禁托字。下者均可安居。某等靜養元精。猝遭大劫。僅延殘喘。幾如失母之嬰。待解倒懸。有甚望夫之婦。欲冀飲食德。必須去暴歸仁。爲脫窮途。徧尋樂國。情殷避地。雖無入河浮海之心。志切受塵。仍有自宋之滕之想。欣逢慈母。真如生佛。萬家定憫子黎。藉保死人。

牛。概。用。敢。徧。擄。槍。斗。乞。隸。幟。幟。一。担。挑。來。權。作。出。疆。之。贄。萬。間。底。處。咸。廢。適。土。之。歌。倘。蒙。俯。允。矜。憐。曲。加。卵。翼。則。歸。心。既。遂。含。膏。皆。鼓。腹。之。民。食。量。遂。增。畫。粥。免。撐。腸。之。苦。復。還。故。我。當。齒。沒。而。不。忘。得。證。癯。仙。更。涕。零。而。誌。感。謹。肅。丹。而。籲。告。願。率。土。以。來。歸。謹。稟。

戲擬革黨某某等悔過自首狀

爲。遇。赦。回。國。悔。過。自。首。事。竊。某。某。等。雖。係。黨。人。本。無。大。志。茲。因。媒。介。誤。入。網。羅。今。觀。彼。等。所。行。無。一。合。乎。民。意。偉。人。中。如。孫。黃。陳。胡。輩。非。自。私。自。利。卽。妄。作。妄。爲。某。某。因。是。灰。心。便。思。脫。黨。詎。意。未。經。宣。佈。而。二。次。獨。立。已。成。民。苦。倒。懸。天。方。厭。禍。下。至。愚。夫。愚。婦。亦。逆。料。其。不。足。有。爲。是。以。近。月。以。來。兵。戈。于。焉。消。滅。彼。等。則。形。同。鼠。竄。某。等。亦。跡。涉。嫌。疑。通。電。緝。拏。誠。不。敢。怨。惟。無。知。螻。蟻。

尚且貪生及早而逃。猶可免戮。于是長辭祖國。匿跡東瀛。養氣讀書。閉門思過。自分首邱。難正老死。他邦不料。一月一日。命令有特赦革黨一條。此固我大總統格外之恩。而亦余小子祖宗之幸也。爰率同志某某航海而歸。待罪來轅。特明心曲。倘蒙寬宥。願効犬馬之勞。卽正典刑。亦屬國家所賜。所具悔過自首切結。是實。

### 代煙界同胞上政府書

當廿世紀競爭之時代。欲求國家生存于世界者。其惟尙武之一法乎。欲使人人皆知尙武。其惟演操煙槍之一法乎。煙槍者禦敵之利器。持之兼可以增長精神者也。不此之察。而謂吸食洋烟。乃亡國之先兆。雷厲風行。焚燬烟土。剷除烟苗。一若此後中國。一躍而駕于歐洲列強之上。是何異盲者之談。

病人之語也。何也。烟土猶子彈也。烟苗烟土所由出也。不有烟苗何有烟土。不有烟土何有子彈。無子彈有槍與無槍同。以最利之槍械而中無子彈。以實之強國云乎哉。卽如公等所論。試問今日土燬矣。苗剗矣。而交涉之失敗。較昔尤甚。則又何說。在公等之意。豈不曰兵力不足之故也。萬一事專堅持。絕無讓步。彼虎狼之秦。將以武力加之于我。國家危亡。即在旦夕。嗟乎。公等亦知兵力之不足。由于槍法之不精乎。槍法之不精。由于吸烟者之太少乎。今果下一令曰。無論幼齡之童。以及壯者老者。均須吸食洋烟。爲操演槍法地步。否則查出處以死刑。又下一令曰。各省田地除原種稻麥外。其餘一律均種罌粟。違則亦處以死刑。吾知全國之人。將父勉其子。兄勉其弟。以吃烟種烟爲強國根本。人人而吸烟。則槍法不患不精矣。人人而種烟。則子彈不

患。不。足。矣。槍。法。既。精。通。國。皆。成。勁。旅。子。彈。既。足。槍。械。自。可。攻。堅。一。旦。以。武。力。相。見。于。疆。場。我。四。萬。萬。人。人。手。持。一。槍。槍。制。其。死。命。子。彈。洞。胸。烟。雲。迷。目。蠢。茲。小。醜。竊。恐。無。遺。類。也。似。此。良。策。公。等。非。惟。不。用。而。反。禁。之。是。直。促。國。于。危。亡。耳。某。等。蒿。目。時。艱。不。忍。不。爲。民。請。命。務。望。速。弛。禁。烟。之。令。俾。國。家。能。底。于。強。則。幸。甚。幸。甚。諸。公。以。某。等。之。言。爲。然。否。敢。請。持。槍。以。待。

### 代全國妓女上救國儲金會書

某某先生台鑒。閱報知先生等痛強鄰之要挾。迫我國于危亡。疾起大呼。儲金救國。鑒前車于既往。作後盾于將來。一片熱心。令人景仰。惟是五千萬金之巨款。而于一年之內。期以足額。誠不易言。必其人人有愛國之忱。斯貴會可收儲金之效。否則聚沙成塔。願大難償。蓋吾民夢死醉生。久不知國家爲

何物。卽有一二熱心志士。毀家紓難。亦不過如滄海之一粟。與事甯有濟乎。然則欲達五千萬金之額。必自富家樂輸始。但富家子弟。于花天酒地之場。不惜揮金如土。若勸其捐助公益。則又吝財如命焉。我國不强。實基于此。妓女等雖操賤業。忝屬同胞。何忍坐視危亡。置而不顧。特電商全國姊妹輩。以平時所積夜度之資。湊集十餘萬金。聊爲貴會涓滴之助。并願于五千萬金之額。擔任半數。蓋公等爲之也。難我輩爲之也。易。何以故。夫我輩往來之客。類皆闊少。甚有壽頭曲辯之類。竹槓一敲。千金隨到。彼之肯于報効者。以其欲得姊妹歡心耳。然苟勸其救國儲金。彼必不願。卽或難違其意所輸之款。終不及報効之多。與其明修棧道。不如暗渡陳倉。自茲以往。我輩惟有放開手段。遇客必敲。一注貲財。雖昧天良。究因愛國。日積月累。其數何止千萬。

屆期當撥作貴會救亡之用。妓女等出于至誠，尙望諸先生不以下賤而見拒也。此上。

代死者報某庸醫書

某某先生足下。辱承枉顧，握手爲歡。所賜良方，盡善盡美。惟是灰釘已兆，參朮無靈。服藥逾時，遂卽辭世。臨行之日，日本擬趨前，鬼卒不情，催促上道。緣慳一面，良用慙然。某未造生丁，陸沉莫救，因是鬱鬱不復歡笑。厭世之念，久而彌切。先生知我，乃以藥進。自古成人厥性，君子家人不察，以某之死歸咎。先生啼哭之餘，繼以詈語。先生何辜，受此大辱。孔子曰：死生操之于命，謂公殺我。夫又誰信殺我者。天特假公手，混吾之憂。天吾之壽，公之德。我何以報。祝公一生富貴壽考。公精岐黃，某素欽仰。齋中牌匾金碧，生光部長署名。省長

題額巍巍大人尙報其德以是知公醫非庸劣况公與我夙鮮仇隙某雖一死感激無既他日國亡得免奴隸用是裁賤詢問近祉倘有便鴻望復隻字

慰友人考縣知事下第書

某某仁兄足下閱報紙知新知事案業已揭曉而吾兄大名不幸落第此誠可惱之事雖然無庸惱也窮通得失本有一定以兄之才得一縣知事綽有餘裕乃期諸意中而反失諸意外者亦自有說今日之世界一運動之世界也足下內無顯戚外無輿援憑所學以博取功名宜乎擯棄弗錄昔君赴都考試時有友人與僕論吾兄此行得意與否僕曰以學術論則縣知事不啻掌中物若相其顛骨究不敢必焉友曰何謂也僕曰今之新相法頭尖者主大貴君之頭非惟不尖而且禿矣以是知吾兄此行之必失敗也不觀今日



所取之新知事乎。素未謀面者。無論已。其中間有相識之人。頭部均下。寬上。窄人以其尖也。加以白果二字。徽號。蓋有輕視彼等之意。殊不知此卽大貴之相。今竟果然。吾兄此行之失敗。又不獨頭之不尖。惟然。吾兄性素拘謹。不善圓融。既鮮拍馬之能。又少吹牛之術。失敗之由。半由于此。即使此次僥倖考取。領憑到省。說項無人。亦惟鬻產典衣。坐水晶板凳而已。至差缺何時到手。尙屬不可知之數。夫世之運動差缺。多于花天酒地之中。求之以其科長科員。咸藉此爲俱樂部。吾兄既不肯破戒。欲償希望。誠有登天向日之難。况吾兄便得一官。到處地皮未諳。刮削在吾兄之意。豈不曰官以愛民爲本。刮削奚爲。殊不知不刮削小民。未必卽稱好官。上憲亦未必卽稱廉吏。長此以往。非特赴考之川資在省之用費。未能彌補。且恐兩袖清風。不免多所虧累。

然則吾兄不欲得縣知事也。則已如縣知事之心。熱頭部雖無法使尖。請速改變性情。以求適于官場之用。神而明之。存乎其人。是在吾兄善爲之耳。來日方長。慎毋鬱鬱。聞某某三易其名。卒能取中。足見有志者事竟成。倘效落第。諸君上書請願竊爲吾兄不取也。揣此函慰。即問近佳。

### □ 賀友人喪子書

某某仁兄足下。得友人書知吾兄近抱喪明之慟。似當馳函相弔。不當馳函相賀也。雖然弟之所以賀足下者。其故有三。當今之世外侮日急。內患頻仍。大禍之來。在于眉睫。凡有子女者。方且視爲贅瘤。亦若兵戈一至。自顧不暇。何況骨肉。然則令郎之死。天之所以玉成足下者。甚厚。况足下素稱曠達。當自慰藉。無所戚然。于中儻效兒女子所爲。悲痛不止。殊非丈夫氣概。此弟之

所以爲足下賀者一也。令郎生時，弟曾一見，觀其蠡目豺聲，知非保家之子。萬一長不務正，爲匪人引誘，日赴賭局，傾家蕩產，意中事耳。即不然，或報入革黨，爲偵探所獲，非特自身有性命之憂，恐足下亦爲其所累。然則令郎之死天之所以爲足下賀者二也。前聞足下眷一妓，欲貯之金屋，後以嫂夫人閻教綦嚴，未能如願。今因乏嗣之故，可以駕名納寵，遂其初心。在嫂夫人諒亦俯如所請。然則令郎之死天之所以爲足下賀者三也。更有此三種可賀原因，而他人不抱着手，進行此弟之所以爲足下賀者三也。更有此三種可賀原因，而他人不知宜其相弔者，接踵于足下之門也。足下解人諒不以余言爲河漢耳。揣此函賀，并請喜安。

小題文府致六法全書書

六翁台鑒。久不晤教。亟欲瞻韓。後以公酬應大忙。未便過訪。先生之有今日。亦如僕之有昔日也。何言之。人生遭際。本有窮通。風氣轉移。厥惟文字。在昔。亡清時代。入股未廢。凡屬考試抄胥家。皆攜僕入場。用取青紫。甚至分尸裂體。活剝生吞。得意洋洋。自誇宿構。殊不知僕忍一朝之痛。始成豎子之名。若與之較短爭長。夫奚不可。然僕之不肯出此者。蓋抱佛家捨身救衆之願。恥存楊子一毛不拔之心。職是之故人。咸依賴于僕。雖上至通儒碩彥。偶因機滯。亦莫不借僕爲指導之方針。是僕之于人。固無所吝。而人之于僕。自必歡迎。雖然。人之所以歡迎者。以其有求于僕耳。人人有求于僕。故僕之聲價日增。而世之市儈者。流遂借此頓獲巨利。人以僕聲價之貴。不特不敢有所點。

污。而。且。藏。以。書。幙。護。以。錦。軸。僕。于。曩。昔。不。可。謂。不。榮。極。一。時。矣。詎。知。天。道。無。  
 常。冰。山。難。恃。戊。戌。政。變。八。股。已。日。蹈。危。機。厥。後。竭。力。維。新。斯。文。竟。喪。八。股。既。  
 屏。棄。弗。用。僕。亦。闐。寂。銷。聲。向。之。藏。僕。于。書。幙。護。僕。以。錦。軸。者。今。則。置。之。于。陰。  
 溼。黑。闇。之。地。使。僕。永。遠。不。見。天。日。以。果。蠹。魚。之。腹。甚。有。視。僕。爲。廢。物。欲。效。西。  
 人。之。火。葬。者。嗟。乎。喜。加。諸。膝。怒。墜。諸。淵。人。情。之。涼。薄。何。其。一。至。于。此。先。生。聞。  
 之。得。毋。代。有。今。昔。之。感。與。然。而。人。既。賤。僕。則。人。即。不。得。不。借。重。于。先。生。所。謂。  
 刑。事。訴。訟。民。事。訴。訟。國。際。公。法。國。際。私。法。等。條。例。無。先。生。剖。懷。以。白。未。必。瞭。  
 然。于。胸。于。以。知。研。究。法。律。者。不。可。須。臾。離。先。生。如。飲。食。然。苟。有。所。缺。必。飢。渴。  
 以。死。此。亦。風。氣。有。以。使。之。斷。非。人。力。所。能。強。致。也。乃。者。僕。處。窮。廬。生。機。已。蹙。  
 雖。先。生。肯。爲。援。手。亦。無。他。事。可。爲。即。使。改。絃。更。張。豈。旦。夕。能。收。效。果。然。則。欲。

冀昔時榮寵。誠如登天向日之難。惟閱滬上某報。游戲文章。中間有入股之作。或者作斯文之人。尙有需僕之處。擬請先生代爲介紹。俾僕有所噉飯。則感激無既。至償值與否。絕不計較也。區區苦衷。尙望鑒原。是幸。崑此。即頌道安。

### 六法全書答小題文府書

昨由都門返滬。得讀手書。深以爲慰。本擬即日裁答。後因某律師飛牋相召。以致未果。歉甚。歉甚。來書謂人生遭際。本有窮通。風氣轉移。厥惟文字。此種見解。誠屬至論。僕於一身。奔馳于京津蘇滬之間。其往來者。上至司法部大理院。下至各省高等審檢兩廳。以及各處律師。無不爲僕至友。故頻年以來。刻無暇晷。近復因熊律師詐欺取財案。人皆注意于僕。以供研究之用。是則

人之生死。僕實司之。雖然。僕有生死之權。究不敢故入人罪。以其死者易而生者難也。職是之故。常自危懼。乃世之承審者流。不明斯旨。類皆意氣用事。甚至得錢則生。不得錢則死。亂引條文。草菅人命。著爲定案。試問其情眞罪。當不特彼無詞以對。即僕亦無詞以對也。僕處此黑闇世界。久欲引身自退。不與若輩接洽。乃陳情之書。甫上。慰留之語。旋來。不得已。職守暫供。思覓替人以自代。無如人才雖衆。均皆用非所長。即交好如君。猶不敢遽行推薦也。來書謂僕卽援手。亦無他事。可爲足下所言。誠不愧爲知己。至云某報游戲文章中。間有八股之作。或者其人尙有需足下之處。擬囑僕代爲介紹。殊不知報界所作八股之文。均屬游戲。非如昔日之歡迎足下者。能中繩墨。僕卽介紹。彼未必允。卽允矣。而滬上之滑頭甚多。他日償值無期。足下雖不怨僕。

僕終無以對我足下也。揣此函復，卽問近佳。

擬織女寄牛郎書

(爲剪辮髮事)

握別以來。蟾圓幾易。相思兩字。無日不嵌入心頭。妾之愛君。究未知君亦愛妾否也。邇者針黹餘閒。輒率小婢蹴球爲戲。間或爲雙成飛瓊等邀去同游海上。旣吸新鮮空氣。且消胸臆。煩憂姊妹多情。曷勝感激。日昨彼等復來。妾處談及今歲曾游戲人間一次。見大千男女均已改觀。男則光頭無復昔時豚尾。女皆天足。非同昔日蓮鈎。世界文明。不圖進步如斯之速。爰商于妾。願共效之。妾以人旣如是。吾輩何獨不然。業已贊成。其請特組織一仙女。不纏足。會首允作。則復承雙成飛瓊諸姊妹推妾爲會長。刻下同志人會甚多。惟念君之辮髮尙垂腦後。殊不雅觀。似宜剪去。爲是倘固執不通。他日相見之。



時恐爲雙成飛瓊諸姊妹所笑也特差鵲使寄上魚書把晤匪遙伏惟珍重  
妹織女謹上

擬牛郎答織女書

（復剪辮髮事）

鵲使來費到手書一通愛我之情溢于楮墨并悉別後身體安吉甚慰纏足  
一事本爲防閑女子外出起見自古相沿已成習慣惟鄉間婦女則以不纏  
足爲宜蓋一切操作男與女俱苟其足不盈寸伏處閨中祇可作男子玩具  
于分勞乎何有某與卿前訂婚時堂上深憂蓮步輕盈不能作事今得來書  
知已放成天足在卿固日趨文明在堂上亦無容顧慮矣至囑剪去辮髮一  
節洵爲至論夫辮垂腦後非特不甚雅觀且衣服亦多垢污之患剪之亦奚  
不可獨是愚夫農人也吾鄉之人均皆如是萬一爲此創舉彼等不目爲喪

心病狂。卽以身體髮膚受之。父母相責。一犬吠影。衆犬吠聲。彼衆我寡。雖身有千口。口有千舌。亦不能一一以置辨也。因此之故。未敢遽然剪去。辨髮容俟。他日爲之可耳。此中苦况。請爲我先告。雙成飛瓊諸姊妹。相見時勿以頑固見譏。則幸甚。幸甚。兄牛郎謹上。

### 鼠致貓書

貓公座下。某等畏公之威也久矣。某等畏公之威。而不敢觸公之怒也。又久矣。其于晝也。則惟穴是藏。其于夜也。始稍稍出外覓食。非故輕生而冒險也。實由于腹鳴不能自己耳。卽有時潛行几案。見公酣睡于其側。避匿惟恐不及。蓋以一驚公夢。而某等之生命卽在須臾。是某等視公可謂尊無二上矣。然公終不能見宥于某等者。則又何也將謂公捕某等。乃其專司。否則主人。

卽責以曠職如斯說也某等誠不敢怨特是世之食人之祿而不忠人之事者亦多矣偵探之于革黨捕役之于盜賊得錢賣放無日不有彼之所謂職守者安在况某等亦動物之一耳天倫使公滅某等天卽所以不生某等天旣生某等天亦何必使公滅某等將謂天生某等爲公之糧則公除某等外似宜一無所食矣何以主人飼公以魚餐而公并食之不厭且乘無人之隙遇有大肉滋味莫不偷嘗然則公之糧固自有在也其注意于某等也奚爲公暇時嘗誦經以自懺夫佛家垂戒首重殺生公旣誦經卽當戒殺若其不爾是與世界上優婆尼日日口宣佛號而其心毒如蛇蝎也何異某等願公體上天好生之德矜憐某等之族類則某等感激于無旣矣茲差鼠子呈上公函一封并禮物數事務希晒納爲荷崑此卽請台安鼠輩上

## ■ 貓復鼠書

得。手。書。并。禮。物。數。事。已。悉。來。意。惟。僕。之。職。守。在。捕。公。等。見。公。等。而。不。捕。僕。固。無。以。對。主。人。人。且。將。以。懶。之。一。字。加。我。徽。號。猶。世。之。將。軍。上。加。某。威。某。威。等。字。是。僕。因。徇。情。之。故。反。得。此。不。美。之。名。雖。然。僕。亦。何。嘗。不。徇。情。于。公。等。者。卽。如。來。書。所。云。公。等。潛。行。几。案。而。僕。正。酣。睡。于。其。側。夫。公。等。亦。以。僕。真。酣。睡。也。耶。僕。蓋。故。作。酣。睡。之。狀。耳。以。爲。公。等。晝。旣。畏。僕。不。出。其。非。輕。視。僕。也。可。知。若。深。夜。之。間。再。行。撲。殺。公。等。好。生。之。德。謂。何。是。以。閉。目。養。神。亦。若。不。聞。不。見。非。真。不。聞。不。見。也。出。穴。之。時。僕。見。公。等。眼。光。四。射。如。世。之。盜。賊。者。然。深。爲。可。笑。及。其。嚙。物。牙。齒。之。聲。達。于。耳。鼓。幸。而。主。人。黃。梁。方。熟。不。知。公。等。所。爲。僕。亦。因。是。得。縱。容。公。等。否。則。恐。有。滅。此。朝。食。之。雅。來。書。又。言。僕。嘗。誦。經。以。自。懺。旣。日。

誦經以自懺。則當如佛家之戒殺。信如是說。公等則誤會誦經之旨矣。夫僕之誦經。非自懺也。實爲公等懺悔耳。何以故。天之生僕。有捕公等之責。即使撲殺。亦無罪孽之可言。其所以誦經者。如文明國之斬殺罪犯。牧師先代其懺悔。一切俾靈魂早升天界。不致沉沒地獄之意。云爾。今既求僕矜憐。保公族類。自茲以往。公等亦當堅囑同輩。勿于僕主之前。無所忌憚。主不責僕。則僕亦不忍撲殺公等矣。貓某答。

### 虱致乾蚤書

乾公鑒。我輩伏處禪中。已非一日。然以托人宇下。究不敢有所騷擾。致彼搜捕。而世之好談時務者。亦復相容我輩。以博其名。則是我輩于人。無不蒙其優待矣。夫人不以我輩愚蠢。而優待之。公偏用其強權。據我土地。我輩以公。

有。跳。虱。之。稱。亦。屬。同。類。遂。不。見。拒。并。謂。處。此。競。爭。時。代。得。公。居。此。實。可。藉。資。  
捍。衛。不。料。公。特。狡。獪。吮。人。脂。血。人。怒。見。捕。而。公。又。逃。亡。域。外。以。致。搜。公。不。得。  
者。轉。疑。我。輩。爲。害。不。憚。捕。獲。而。殲。除。之。是。我。輩。種。族。死。于。他。人。之。手。不。啻。死。  
於。我。公。之。手。也。職。此。之。故。吾。族。羣。起。欲。與。公。爲。難。我。輩。以。公。同。種。不。可。自。相。  
殘。殺。多。方。解。勸。始。籌。一。和。平。辦。法。擬。定。與。公。劃。清。界。限。免。致。受。累。如。公。居。上。  
部。則。我。輩。便。居。下。部。公。居。下。部。則。我。輩。便。居。上。部。界。限。既。清。庶。無。嫁。禍。之。弊。  
而。人。亦。因。此。易。得。主。名。預。立。條。件。付。萬。虫。海。牙。會。公。決。并。以。臭。鰲。公。爲。中。證。  
有。反。背。所。訂。條。件。者。立。誅。之。倘。經。允。許。即。請。答。復。若。以。我。輩。愚。蠢。爲。可。欺。置。  
之。不。問。我。輩。種。族。惟。有。聯。合。蠅。蟻。等。興。師。問。罪。屆。時。公。雖。善。逃。至。此。恐。亦。無。  
所。用。其。伎。倆。也。虱。上。

## ○ 虱答蚤虱書

得來書。以公等爲人殲除。歸咎於僕之一身。且謂嗣後當預立條件。劃清界限。庶免彼此有嫁禍情事。否則當聯合蠅蟻等。問罪于僕。由前之說。是以理動僕。由後之說。是以勢脅僕。夫僕豈可以勢脅哉。不觀今之世界乎。以理言。人或能保茲弱族。如以勢言。一撻強者之怒。弱者之肉。未有不爲其所食也。公等富有依賴之性。凡事不肯振作。人不怒則已。怒則族不能保。是何異亡國之奴。又遭滅種之慘。來書又云。好談時務之士。莫不相容。公等曾亦思彼之所以相容者。實玩公等于掌上。藉博其名耳。公等爲人玩之於掌上。猶不自愧。且沾沾然以此傲僕。其恥孰甚。况天下未必皆好談時務之人。遇不談時務之人。公等族類能相容耶。抑不能相容耶。此不待智者而卽知之矣。然

則公等欲保全種族當圖自強自強之道何在首在訓練其下而已如能使全族綱縱跳之技雖竄探突來捕捉亦不致束手就縛即以僕論有時爲人所獲出其不意尙可逃脫此跳虱之稱所由來也公等若慮無人教授世間不乏良好教師僕當代公等延請體操家之一二著名者來此訓練自不難操演純熟既可保種又可強族否則恐公等亦在天行淘汰之列而於僕乎何尤恃愛直陳不知公等以斯言爲河漢否此復

番榮致魚翅書

魚公鑒僕慕足下之名也久矣慕足下之名亟思一覩足下之面乃屢次過訪均值外出僕與足下其殆無相見之緣與不然何所遇之不巧也猶憶僕訪足下之日正足下爲大人先生寵召之時足下一日不去大人先生即一



日。不。樂。故。宴。會。之。地。莫。不。喜。足。下。在。座。人。見。足。下。輒。趨。之。若。驚。否。則。即。食。不。下。咽。殆。所。謂。臭。味。相。投。者。非。耶。甚。有。景。仰。足。下。之。爲。人。而。終。身。未。見。顏。色。至。引。爲。憾。事。者。誠。不。知。足。下。操。何。術。而。使。人。傾。倒。若。是。也。維。新。以。來。時。移。勢。異。吾。國。志。士。自。海。外。歸。者。不。以。僕。爲。異。類。而。拒。之。朝。夕。周。旋。情。甚。浹。洽。而。大。人。先。生。輩。知。僕。與。志。士。友。善。凡。宴。志。士。無。不。召。僕。苟。僕。不。奉。召。志。士。亦。卽。托。辭。而。去。是。以。大。人。先。生。欲。得。志。士。歡。心。非。僕。至。不。可。遂。不。惜。降。尊。就。教。并。以。昔。之。趨。奉。足。下。者。轉。而。趨。奉。于。僕。雖。頑。固。之。徒。亦。復。假。托。時。髦。與。僕。接。吻。以。爲。光。發。如。石。吸。鉄。如。蠅。附。羶。僕。亦。不。自。知。其。操。何。術。而。使。人。傾。倒。若。是。也。使。人。人。能。以。愛。僕。之。心。愛。國。則。吾。國。又。何。至。爲。人。欺。侮。耶。職。是。之。故。僕。之。門。限。幾。穿。矣。僕。苦。無。分。身。之。術。不。能。一。一。接。待。欲。荐。足。下。以。作。替。人。而。人。又。不。願。與。

足。下。相。見。足。下。得。毋。有。今。昔。之。感。與。雖。然。足。下。勿。因。此。而。鬱。鬱。也。倘。遇。時。機。當。代。推。荐。起。居。飲。食。調。攝。爲。佳。崑。此。函。肅。并。頌。時。祉。番。菜。上。

### 魚翅答番菜書

得。手。書。知。悉。近。况。并。承。代。爲。推。荐。事。雖。不。成。情。實。可。感。以。足。下。當。得。意。之。日。而。念。及。垂。老。失。意。之。人。近。世。中。誠。不。數。見。蓋。世。之。得。意。者。流。趾。高。氣。揚。以。酒。食。徵。逐。爲。樂。遇。有。失。意。者。在。側。方。且。唾。棄。之。不。暇。何。有。于。慰。藉。更。何。有。于。推。荐。卽。使。托。其。推。荐。彼。或。婉。言。謝。絕。否。則。口。雖。允。諾。其。心。則。非。况。旣。未。請。托。兼。未。謀。面。彼。焉。肯。一。援。其。手。耶。此。足。下。所。爲。迥。異。于。凡。俗。也。來。書。勸。僕。勿。因。失。意。而。鬱。鬱。良。友。多。情。於。此。可。見。雖。然。僕。之。失。意。命。也。亦。分。也。何。以。故。在。昔。之。時。僕。以。一。身。周。旋。衆。客。衆。客。于。僕。一。若。視。爲。公。共。之。物。箸。下。如。矢。發。無。不。中。

揀精擇肥。交換吐沫。誠不若足下花樣翻新。別饒風味。所謂牛排。所謂鮑魚。所謂火腿。蛋等類。驅使各物支配得宜。世有易牙。亦當從旁贊美矣。且僕之爲饌也。不過佐以雞汁。火腿而已。除老生常談外。并無他味之可言。若足下則千變萬化。層出不窮。舍箸而用刀叉。法既新奇。又能引人入勝。故吾國志士以及大人先生。遂不惜金錢。寵召足下。甚至鄉愚之輩。不知足下爲何如人。而亦假托時髦。傳爲笑柄。在僕之見。此等人物。似宜屏棄。弗納而足下復能包容兼收。各投所好。而去此足下。所以爲人歡迎也。昔人之於僕也。嘗有吃一根魚翅。拉三年旱船之謠。試問今日歡迎足下者。吃足下一份。三年中拉魚雷艇耶。抑拉海行艦耶。一笑。僕謂足下處得意之境。當時時防其失意。不可因彼等趨奉過於勞碌。夫彼等以口腹故。有求于足下。卽趨奉足下。萬

一易口腹之好而別有所求。則人將以待僕者轉待足下也。僕飽嘗世味。久矣。時至今日。人心機詐。百出而世俗。因以日薄。足下解人。當無俟僕之贅說也。恃愛直言。尙其鑒原。是幸。崑此函復。卽問近佳。此答。

### 擬推廣本報銷路辦法之廣告

本報自開辦以來。久蒙海內外諸君所稱賞。每日計算銷數。已達十萬份。不可謂爲不多。然所銷之數。以商學界佔優勝地步。政界則甚寥寥。推其所以致此之由。想亦指摘太嚴。未能滿政界諸君之意耳。同人等現擬推廣本報銷路辦法。重行改良。每日增加兩大張。聘請各省各縣政界著名之人。爲本報特別新聞記者。月薪照普通訪員從豐。凡關於行政官吏各事件。有政績者。本報錄之。若係損壞名譽之事。一概屏棄弗載。蓋其中恐有挾嫌誣捏諸

弊故也。况我國行政長官。素稱廉潔。以貪墨去職者甚尠。足見操守之嚴。爲人所仰。臚其德政。必有可觀。本報于副張中。又添循吏傳一門。如有將自己。或他人。一生政績抄寄本報者。本報當代爲編纂。列入循吏傳中。并可煩上添毫。以作揄揚之具。似此辦法。政界諸君。當亦對於本報。有歡迎而無拒絕者矣。此則同人等所爲推廣本報銷路之辦法也。用登報端。以代廣告。

### 擬創辦選舉運動公司之廣告

當共利肇造之時代。能爲人民所著重。而不敢輕侮之者。其惟立法之議員乎。然欲得立法之議員。其惟金錢之運動乎。是故議員者。爲代表民意之人。而金錢者。又爲運動議員之物。義務在是。權利亦在是。他日有借議員而改任部長者矣。有借議員而改任省長者矣。議員爲人。人目的物。議員卽爲人。

人所必爭。昔者政黨之興也。選舉時期。各黨黨員。皆以支分部。爲運動議員。之地。今則已歸烏有矣。惟是衆擎易舉。分則如散沙。獨木難支。聚之乃成。團體磋商。價值兌付。金錢不有。集合之場。難免詐欺之事。同人等深知斯弊。特在北京創辦選舉運動公司。分設機關。願爲媒介。自信居心無愧。敢曰。經手不窮。說合則舌有。廣長不使功虧一簣。出入則客皆豪富。休誇價重。連城稍破。慳囊立法之大權。在握。試捐虛譽多金之素願。能償既免到處奔波。又可均沾利益。倘蒙賜顧。請認明四字商標。代作調人。切莫失一朝機遇。此告。

### 擬創辦商立購稅學堂招生之廣告

諺云。學成文武藝。賣與帝王家。今日之學堂。卽濫觴於此。雖然。今日之學堂。不可謂不多矣。若海軍。陸軍。師範。法政。測繪。鐵路。諸名目。爲國非爲商也。然

設立學堂而欲與商有利者百不得一。蓋厘稅之興也原爲輔助國家之不足。乃橫征暴斂。罔恤商艱。而司其職者。又復藉國家之名。以飽私人之橐。倘不早爲抵制。我商界其有安枕之一日乎。同人等集議再三。特在滬創辦商立瞞稅學堂。并不惜重金。延請我國著名舞弊大家若干人。爲本校教員。專教商家子弟。以爲他日走私之用。至教授方法。以密藏珍寶等類爲第一要務。如臧在腰間。則須填起胸際。方免破露。其衣服自貼身汗衫。以至袍袂。所縫之小囊。無一不爲走私而設。餘如假牙中可臧金鋼鑽。鞋頭空穴內可藏珍物。其他笨重之貨。或以多報少。以貴報賤。全視乎隨機應變。故應對進退。舉止言默。本校又有教授之良法。商界中如有志求學。并欲閱本校簡章者。請于報名時。到學詳閱可也。上海五幣路商立瞞稅學堂廣告。

## 擬創辦撮合公司之廣告

蓋聞牒注鴛鴦婚約主之父母禪參歡喜紅絲繫白老人我中國舊習相沿由來久矣惟是妍媸互配白首乖離年歲不齊紅顏涕泣嘉耦忽成怨耦視若仇讎有情等是無情居同陌路女則暗藏面首男則另覓香巢穢德彰聞貽羞世界與其種成惡果幻作空花不如自擇佳人各尋快壻言歸於好卦不占爻本同人欲挽頽風故爲斯舉媒事仿於周禮設以公司文明願效西歐名爲撮合務使大千男女眷屬都成不教地獄衆生愛河永溺偷情旣免何用踰情同夢相安競誇合璧若以台基相待大拂初衷况乎商會有名并非私設

## 論報載某巡按建議限制女生結婚年齡事



報載某巡按建議限制女生結婚年齡事。竊不禁嘆曰。如某巡按者。可謂注重女子教育者矣。何言之。自民國成立以來。其公立私立各女學。較前清尤爲發達。然成績之足有可觀者。十不得四五而已。非教授之不善也。實有足以紛其求學之心者。乃致此耳。紛其求學之心者。何。結婚思想是也。今欲除其結婚思想。亦惟明訂女生結婚之年齡。而使其未至年齡時。仍專心於學問。庶乎可矣。雖然。限制誠善矣。其以何種年齡爲結婚年齡乎。則又不可不研究也。某甲曰。女子當十三四。而天癸卽至。天癸至。便有爲人母之資格。蓋卽以十三四歲爲女生結婚年齡乎。某乙曰。女子年十六。已屆破瓜之時。旣曰破瓜。蓋卽以十六歲爲女生結婚年齡乎。某丙曰。閨訓有云。女子由十四五至二十。須學爲婦之道。女子至于二十。婦道必已嫻熟。蓋卽以二十歲爲

女。生。結。婚。年。齡。乎。愚。謂。甲。丙。二。說。不。失。之。過。早。卽。失。之。過。遲。無。已。其。折。衷。乙。說。乎。夫。女。子。年。至。十。六。血。氣。正。旺。適。合。結。婚。時。期。否。則。是。何。異。已。熟。之。瓜。愆。期。不。食。與。有。駁。之。者。曰。君。之。所。訂。結。婚。年。齡。得。毋。妨。其。學。業。否。余。曰。學。業。一。道。在。人。自。爲。結。婚。妨。其。學。業。不。結。婚。卽。不。妨。其。學。業。乎。况。有。形。之。結。婚。限。制。易。無。形。之。結。婚。限。制。難。如。并。無。形。之。結。婚。而。亦。限。制。之。則。每。校。必。設。女。檢。驗。員。一。人。凡。該。生。等。入。校。時。先。由。檢。驗。員。驗。其。眉。乳。辦。法。乃。善。不。然。自。限。制。結。婚。年。齡。之。說。起。而。無。形。之。結。婚。竊。恐。愈。形。踴。躍。矣。吾。爲。是。論。吾。非。敢。薄。我。女。界。同。胞。也。特。世。有。一。種。淫。賤。女。子。以。求。學。爲。名。實。則。冀。遂。其。私。欲。尋。歡。旅。館。應。召。台。基。人。盡。可。夫。毫。無。羞。恥。學。校。之。名。譽。旣。爲。其。敗。壞。限。制。之。功。令。安。望。其。遵。行。吾。書。至。此。吾。又。不。禁。笑。某。巡。按。之。愚。也。

□黨人卜居 (仿屈原卜居)

黨人被逐。悔過悟非。而難言于人。進退失據。不知所措。乃往見占卦先生曰。  
 余有所擬。願因先生決之。先生乃投身納龜。曰。君將何以教之。黨人曰。吾甯  
 佞佞視視。以媚敵乎。將翻然變計。以救國乎。甯永保黨魁。以謀叛乎。將閉門  
 著書。以不出乎。甯待罪來轅。以自首乎。將陽奉陰違。暫圖棲止。以候時乎。甯  
 流落異域。以爲丐乎。將聯合同志。以反正乎。甯流芳百世。以榮宗乎。將遺臭  
 萬年。以辱祖乎。甯終身爲漏網之魚乎。將皇皇如喪家之犬。望門號咷。以  
 全吾軀乎。甯與雞羣溷跡乎。將隨猛虎生翼乎。甯與鴻鵠高舉乎。將與鬼蜮  
 爲伍乎。此孰吉。孰凶。何去何從。吾飲恨而吞聲。保身爲重。保名爲輕。金鑠將  
 毀。水洗不清。上負吾國。下負吾民。吁嗟慄慄兮。誰知吾之怔忡。先生乃推龜。

而。起。曰。子。既。占。已。宅。又。卜。已。身。固。縈。情。于。私。祿。復。撓。心。于。白。雲。心。意。不。能。定。神。志。早。已。紛。清。夜。自。思。捫。心。自。足。龜。身。誠。不。能。再。三。瀆。

烟室銘 (仿陋室銘)

品。不。在。高。有。癮。則。名。癮。不。在。深。有。銅。則。靈。斯。是。烟。室。惟。吾。土。馨。燈。花。閃。光。綠。槍。竹。入。握。青。談。笑。有。瘦。客。往。來。無。胖。丁。可。以。助。幽。情。養。神。經。無。清。明。之。耳。目。無。雄。壯。之。身。形。面。枯。黑。黯。黯。骨。立。玉。亭。亭。鬼。子。云。何。壽。之。有。

舅舅理

吾鄉王笠衫先生所著奶奶經閱報諸君業已讀之矣先生尙有所著舅舅理尤爲有目共賞惜其稿不存深以爲憾茲仿其體以爲之亦猶

東施之效顰爾

我。吃。酒。你。會。鈔。不。會。鈔。我。不。行。買。個。桃。酥。撈。個。餅。不。能。說。我。不。該。應。  
打。一。拳。算。給。臉。打。十。拳。算。饒。頭。拳。頭。打。下。莫。回。手。若。還。回。手。不。干。休。  
欠。你。錢。不。許。索。欠。我。錢。却。要。討。親。兄。弟。來。明。算。賬。不。還。我。錢。不。開。交。  
我。無。衣。不。必。慮。你。有。衣。是。一。般。你。的。衣。裳。須。借。我。讓。我。穿。過。你。再。穿。  
要。吃。酒。吃。個。醉。不。吃。酒。不。許。可。大。家。若。說。不。能。吃。問。你。來。此。做。什。麼。  
鬧。頑。笑。我。應。分。若。是。你。却。不。能。我。鬧。頑。笑。你。莫。急。急。時。准。備。打。上。身。  
人。請。我。我。必。到。我。不。去。他。要。惱。想。我。請。人。做。不。到。請。人。必。須。要。會。鈔。  
吃。東。西。不。容。情。派。多。少。須。說。明。你。們。少。吃。還。罷。了。我。若。少。吃。不。答。應。  
有。好。馬。讓。我。騎。有。好。床。讓。我。睡。非。是。我。佔。你。的。強。須。知。你。用。你。不。配。  
人。說。話。我。要。扳。我。說。話。人。敢。攔。夏。穿。皮。衣。冬。穿。葛。大。家。須。要。這。樣。談。

新詩經

庸醫之姨兮。予又敢為兮。適子之館兮。旋予授余之蕘兮。  
 庸醫之媳兮。予又敢鑿兮。適子之館兮。旋予授余之脚兮。  
 庸醫之嫂兮。予又敢造兮。適子之館兮。旋予授余之寶兮。

庸醫三章章四句

小序庸醫三章。嫉庸醫也。嫉之既甚。則并其姨其媳其嫂而亦嫉之也。  
 〇者代某字也。為為事也。習俗稱男女相悅曰為事也。蕘柔蕘手也。不  
 質言手者。詩人欲協韻。遂如小學生做試帖詩之艱窘也。鑿者鑿其窳  
 也。既曰媳矣。胡有不鑿者。或曰養媳也。授人以脚。則事可知矣。造者非  
 改造之造也。蓋當時俗語謂如此云云。為製也。曰寶者愛之已極。遂不

覺。流。露。於。言。詞。之。間。也。庸。醫。之。兄。以。爲。寶。而。人。亦。以。爲。寶。不。知。庸。醫。亦。以。其。嫂。之。寶。爲。寶。否。也。今。海。上。之。庸。醫。多。矣。詩。人。深。惡。而。痛。絕。之。故。其。刺。之。如。此。





## □ 麻雀談

### 麻雀之緣起

麻。雀。之。作。也。始。於。甬。人。後。乃。風。行。於。全。國。我。國。士。大。夫。在。前。清。時。公。餞。輒。以。賭。爲。樂。其。所。賭。者。不。過。擲。蒲。雙。陸。而。已。自。葉。子。戲。作。而。賭。之。名。一。變。自。麻。雀。戰。作。而。賭。之。名。又。一。變。麻。雀。中。以。清。一。色。爲。最。貴。如。童。謠。所。云。清。一。失。是。已。厥。後。清。亡。而。童。謠。遂。應。說。者。謂。麻。雀。者。亡。國。之。具。也。不。然。清。一。色。名。稱。曷。爲。乎。來。今。之。秉。國。政。諸。君。子。不。以。國。家。爲。前。提。日。沾。沾。焉。從。事。於。此。而。不。以。前。清。爲。炯。戒。悲。夫。

### 麻雀與作文之比例

作。文。在。善。用。筆。麻。雀。在。善。發。張。不。善。用。筆。雖。有。新。意。亦。無。所。取。不。善。發。張。雖

是滿貫亦不得成。蓋用筆發張均貴乎心思靈敏而已。作文不可過多。又雀不可過熟。過多則嫌冗。過熟則必輸。是故過之一字凡事皆不宜有。又豈獨作文。又雀爲善哉。

麻雀與弈棋之比例

弈棋以能得先着爲優勝。又雀以能隨牌意爲優勝。不得先着則棋負不隨牌意則手逆。此讀麻雀談者不可不知也。

弈棋不可存驕心。又雀不可存倖心。存驕心固敗。存倖心亦敗。此讀麻雀談者又不可不知也。

麻雀與牌九攤寶之比例

牌九攤寶人人可以入局。麻雀則惟四人入局。牌九攤寶頃刻可輸萬金。麻

雀則以圈爲限至多亦不過輸千金是則牌九攤寶之害大而麻雀之害小也。

麻雀之又法

又麻雀於手逆時萬不可負氣負氣則張必亂發如人看條子一色我偏發出條子人看餅子一色我偏發出餅子人看萬子一色我偏發出萬子人碰發白我偏發出中風彼固由於負氣亦未嘗不存僥倖之心以爲我所發者他人未必就成此張偷留手內反爲所誤殊不知張發出而人即成矣諺云要得狠須要忍天下事作如是觀可也。

又麻雀須要四人工力悉敵方爲有趣如三個高手一個低手則高手必吃低手之虧低手發張毫無秩序當發不發不當發而發所謂小秦王亂點兵

是也。譬如高手摸一中風，以其時不早扣住，不發低手於聽成時，亦摸一中風。竟自發出，遂被旁家成一滿貫。高手不發而低手發之，此所以吃虧不淺也。總之，又雀第一先要擇人，其次審時度勢。若泥成法而不瞭然於時勢，非特人受其害，即自家亦復受害也。神而明之，存乎其人。是在善又麻雀者。

又麻雀不可僅看手中之牌，須要將眼光射到旁家記清某家發某張某家發某張胸內始有成竹。未摸牌時，又須將應發之張預先提出，如摸到某張即發某張，斟酌盡善，既免旁人催促，又不耽誤時間。萬一對家尾家已有大牌，我之牌既不能成，雖明知下家要某張，我必給彼讓其成牌，此避重就輕之法也。

又麻雀到聽成時，宜看邊嵌，不宜看對倒。雖同一四張邊嵌，易來對倒不易。

來。故。高。手。以。邊。嵌。爲。然。低。手。以。對。倒。爲。然。總。之。法。不。可。泥。看。邊。嵌。宜。看。熟。張。不。宜。看。生。張。熟。張。易。而。生。張。難。也。對。倒。之。牌。如。有。一。張。見。過。不。如。仍。看。邊。嵌。以。對。倒。則。僅。三。張。耳。高。手。不。喜。看。對。對。和。低。手。則。喜。看。對。對。和。喜。看。對。對。和。者。貪。圖。成。一。翻。不。喜。看。對。對。和。者。以。其。雙。聽。易。而。對。倒。難。也。如。手。中。有。中。發。白。及。門。風。三。張。或。中。發。白。及。門。風。已。有。一。對。碰。出。宜。看。對。對。和。爲。是。蓋。又。雀。之。人。未。有。不。要。兩。翻。而。要。一。翻。也。

又。麻。雀。又。如。行。陣。其。中。奧。妙。千。變。萬。化。不。可。以。言。語。形。容。譬。如。手。中。起。有。東。南。西。北。中。發。白。各。單。張。此。牌。拚。着。不。看。萬。不。可。想。成。若。一。想。成。則。成。大。張。發。出。必。爲。人。碰。矣。大。張。不。發。與。人。自。己。或。能。摸。成。三。張。兩。張。以。成。滿。貫。又。有。起。首。本。係。素。牌。後。忽。看。成。一。色。者。此。所。謂。一。字。長。蛇。霎。時。變。成。八。卦。令。人。不。可。

測。度。也。又。麻。雀。到。發。張。時。最。宜。留。神。如。人。家。面。前。已。碰。中。風。并。吃。兩。付。萬。子。則。我。寧。可。發。萬。子。不。可。發。發。白。及。門。風。發。萬。子。成。不。過。兩。翻。發。發。白。及。門。風。則。三。翻。矣。如。人。家。已。碰。中。發。又。吃。萬。子。一。付。則。我。固。不。能。發。發。白。且。不。能。發。萬。子。發。萬。子。成。亦。三。翻。也。如。人。家。已。有。三。付。萬。子。在。桌。我。寧。可。發。大。張。不。可。發。萬。子。蓋。成。大。張。不。過。兩。翻。成。萬。子。則。三。翻。也。餘。可。類。推。讀。麻。雀。談。者。因。一。而。知。十。可。也。

麻 雀 之 弊 端

麻。雀。一。道。其。弊。無。窮。又。麻。雀。時。萬。不。可。容。他。人。旁。看。如。我。做。莊。南。西。北。三。風。桌。上。已。見。而。我。原。起。東。風。一。對。尙。未。碰。下。旁。看。者。忽。問。曰。誰。做。頭。人。家。一。望。便。知。我。有。東。風。摸。着。絕。不。肯。發。矣。又。如。我。之。手。逆。每。牌。皆。起。得。太。壞。雖。旁。觀。

者亦不願看這一牌忽起中發兩對其餘萬子亦多可以看渾一色旁觀者以此牌起得有趣在後目不轉睛人家一望又知我手中有大牌矣知我有大牌中發白絕不敢發或因受旁看之累而此牌竟未得贏此又麻雀者所以不能容人旁看也

又麻雀又有要牌之弊所謂抬轎是也要牌必須二人連手否則不能要牌暗記條餅萬均以尺條爲區別如尺條僅靠牌之外層知要條子尺條僅靠牌之裏面則要餅子尺條雖在牌之外層然去牌稍遠作斜式則要萬子條餅萬由么至九要時暗記均以手指爲區別么則伸大指二則伸大指與食指三則伸大指食指與中指四則伸大指食指中指與無名指五指全伸六則食指與中指并七則食指與中指無名指并八則食指中指無名指

與小指并九則五指全并要中發白暗記以一張牌另擺則要中風兩張牌另擺不要發風三張牌另擺則要白板要門風則將牌一順排開從中漏有微縫便是暗記故連手之人須要眼明手快不能忘却否則敗矣又麻雀者此種弊端萬不可不知也不過日新月異要牌之法或者又有變更却不可泥於我之所說至若一人做牌非做門風卽做大對此種弊端洗牌時固要留神開門時尤要留神總之麻雀一道與熟人又則可與生人又萬萬不可以其防不勝防也此讀麻雀談者又不可不知也

麻雀之秘訣

又麻雀如手中起一萬三四五六七八萬各一張九萬三張則是牌見萬皆成條餅亦然學又雀者不可不知(此則人人皆知矣)又如手中起



出發風萬萬不可開槓。一開槓而人家即不敢發白板中風門風矣。學又雀者又不可不知。

又如面前已碰中風手中還有萬子一坎或條餅一坎發風雀頭聽一四餅如來發風固然要碰切切不可打三餅聽二餅或打二餅聽三餅如遇此等牌須打去坎子一張仍聽一四餅何以故單張難成而雙張則易成也。若係一二條聽三條一二萬聽三萬一二餅聽三餅雖碰了發風則不能打去一坎還宜單聽爲是。以其本非雙聽不如仍就單聽也。餘可類推。

前有人談一付牌自家做莊面前已碰南北風各一對手內東風一坎西風與五條對倒無論來西風來五條均是四喜乃聽了多時未到二家忽然摸到西風一張擺在面前不發尾家亦將東風一張擺在面前言莊家必要此。

張我亦不打。是時莊家忽然靈機一動，摸起一張閒牌，隨將東風一張發出。二家尾家皆曰：我們怕莊家看四喜，故而不打。誰料他亦不要。二家摸牌後，遂發西風。莊家一碰，發出一張閒牌，輪到尾家發牌。尾家曰：你未摸牌，我這張東風你絕不要。遂發東風，而莊家依然成四喜矣。此其所謂變化不測也。兩家苟不將西東風擺下，莊家絕不敢拆東風一坎。騙那西風此牌，以權術贏不足爲法。足見牌宜起在手裏，不宜給人看見也。

又有人談一付牌，尾家萬子一色單聽一萬。其時頭家已碰東風，吃一付六七八餅子。尾家忽然摸了中風一張，在他人必定不要。蓋手中是全萬子，况又聽牌。乃尾家沉思半晌，竟留住中風發去一萬。因恐中風發出，輸莊家三翻也是時。莊家手中果然全是餅子單聽中風。後摸一張熟八餅就聽五八。

餅中風發出而尾家遂成一翻如尾家貪看一色便輸莊家兩翻此等精微處又雀者又不可不知也

又有人談一付牌莊家面前碰東風手內中風一坎白板與他牌對倒成則滿貫是時自己又摸了中風一張在他人必要開暗槓卽不成和子亦可觀了彼以我已碰東風若再開暗槓人家白板更不打出於是將中風打去一張果然後成白板此等精微處又雀者又不可不知也



中華民國十六年十二月十日初版

涵秋遺稿  
沁香閣游戲文章  
全集  
第一集  
全一册

定價大洋肆角

版權所有  
必究

經售處

成都 新學社  
長沙 羣益書社  
成都 震東圖書局  
南京 共和書局  
南京 南洋書局  
杭州 問經堂

北京 自強書局  
成都 介文社  
廣東 共和書局  
雲南 新亞書社  
北京 富晉書社  
舊金山 發明公司

中華世界各商務特均  
書局書界各印發約有  
埠埠埠 館書行發代售

著者 校訂者 發行所  
印者 刷者 發行所  
總發行所

江都李涵秋遺稿  
壽州李警衆  
安徽朱崇芳挹芬  
上海青島路西福海里二弄一五二號  
震亞圖書局印刷所  
上海青島路西福海里二弄一五二號  
震亞圖書局總發行所  
上海棋盤街新民圖書館  
兄弟公司

上海图书馆藏书



A541 212 0015 22808

▲▲諸君……

……天天希望之……

廣陵潮

一至九集 再版出齊

十集 現已出版

一廣陵潮是涵秋的傑作……

涵秋先生著作等身惟廣陵潮為第一部創作故眼光四射精神獨注借筆墨閑情寫胸中塊磊為他書所萬不能及

一廣陵潮是社會的寫真……

一部廣陵潮中所收事實變化萬狀妙趣環生對於上中下三種社會人物寫其情節無不繪聲繪色惟妙惟肖筆底如生龍活虎至其寫情入理迥其餘事

一廣陵潮是揚州的裨史……

廣陵潮全書的材料均為揚州事實以一一字為線索便成絕妙文章故與理想的小說時有越出情狀事理之外者高出萬倍

一廣陵潮是消閑的妙品……

廣陵潮的文章有情史有趣史有俠史有醜史有陳腐的儒士有多情的兒女有奸詐的市僧有無賴的逆子有解放的文明女士有賢淑的守禮夫人情節奇離文章變化包羅萬象無所不有每於茶餘酒後舟車旅行得此一編可免憂愁沉寂之苦

定價 一至四集 每集大洋四角  
五至十集 每集大洋八角  
一至十集 全部大洋六元四角

購全部者送贈 涵秋遺像 普通紙盒

本局另有特製布套分裝上下兩函定價大洋兩角

總發上青島 震亞圖書局 謹  
行所海西福里